


科正定

				漢書門
			二七	
			三三	
			四	
冊架函號類				

庫文閣内			
			漢書
		三三	
		四	
冊架函號類			

内閣文庫	
番號	漢 12714
冊數	4 (3)
函號	304 138





新刊外科正宗卷之三

流注論第三十

崇川 陳實功毓仁父 纂著

夫流注者。流者行也。乃氣血之壯。自無停息之機。注者住也。因氣血之衰。是有凝滯之患。故行者由其自然住者。由其瘀壅。其形漫腫。無頭皮色不變。所發毋論穴道。隨處可生。凡得此者。多生於體虛之人。勤勞之輩。不慎調燮。夏秋露臥。縱意取涼。熱體當風。圖身快爽。或中風邪。發散未盡。或慾後陰虛。

外科正宗 卷之三

外寒所侵。又或惱怒傷肝。鬱結傷脾。榮氣不從。逆於肉裏。又或跌打損傷。瘀血凝滯。或產後惡露未盡。流滯經絡。此等種種。皆成斯疾也。既成之後。當分表裏寒熱虛實。邪正新久而治之。初因風寒相中。表症發散未盡者。人參敗毒散散之。房慾之後。體虛寒氣外侵者。五積散加附子溫之。勞傷鬱怒。思慮傷脾而成者。歸脾湯加香附青皮散之。跌撲傷損。瘀血凝滯而成者。復元活血湯逐之。產後惡露未盡。流注經絡而成者。木香流氣飲導之。此皆初

接撲
作打

起將成之法。一服至三四服。皆可外俱用琥珀膏敷貼。其中亦有可消者。十中五六。如服前藥不得內消者。法當大養氣血。培助脾胃。溫暖經絡。通行關節。木香流氣飲十全大補湯。俱加熟附子香附。培助根本。此則未成者自消。已成者自潰。已潰者自斂。而終無殘敗破漏不斂之症。且如有膿。宜急開之。患者又當慎起居。戒七情。遠寒就溫。俱可保全。若候用寒涼尅伐內消等藥。終至不救者多矣。
流注看法

初起漫腫皮色光亮微熱微疼筋骨不欠强者爲順
已成身體微熱飲食有味疼痛有時腫生紅色者順
已潰膿稠而黃腫消痛止身體輕便起坐如常者順
潰後內肉易生膿水易止精神易復膿口易合者順
初起身體發熱脈細而數皮色微腫痛徹筋骨者險
已成飲食少思口乾作渴身體疼痛四肢沉重者險
已潰膿水清稀腫仍不消虛熱不退疼痛不減者逆
潰後膿穢不止肌膚瘦削飲食不食發熱皮斃者死

流注治法

初因風寒表散未盡而後復生腫痛者再宜和解之
表邪已盡而後復生流注者宜清熱消腫行散氣血
暴怒所傷抑鬱所致胸膈痞悶中氣不舒順氣寬中
腫硬已成而不得內消者宜和氣血更兼補助脾胃
跌撲閃肭瘀血凝滯爲患者宜調和氣血通行經絡
寒邪所襲筋攣骨痛及遍身疼痛者溫經絡行氣血
產後敗血流注關節致生腫痛者當散敗瘀養氣血
潰後膿水不止而形衰食少者宜滋氣血峻補脾胃

流注治驗

外科正宗 卷之三
一男子風寒表散未盡兩腮腫痛微熱不退以小柴胡加川芎天花粉桔梗連翹二服餘熱頓退又以二陳湯加桔梗黃芩牛蒡子連翹四服十日而安
一男子勞傷受寒背生三腫皮色不變寒熱交作至夜尤甚先以萬靈丹洗浴發汗寒熱頓退惟腫硬不消以琥珀膏敷之三次其腫消痛止漸漸而平
一婦人因怒脇下結腫將近半年方痛此得之肝氣鬱結之症以木香流氣飲四服其腫漸紅此日久之病必欲作膿不可內消又以十全大補湯加木

香香附青皮十餘服其腫漸高又以本方加皂角刺五服其膿乃潰且清且多此勞中所得者元氣已經虧損其膿故多而清以人參養榮湯加熟附子月餘膿稠且少又本方倍參芪歸朮兩月而愈
一男子元氣素虛因暴怒膊生腫塊疼痛牽強寒熱往來飲食日減以補中益氣湯加香附貝母十餘服寒熱漸止又以益氣養榮湯月餘而腫潰間以八珍湯服之外用附子餅日灸一次脾胃健而安
一孀婦項間乳上各腫一塊將近一年漸大方痛診

之脉細數而無力。此思慮過傷之病也。以歸脾湯加桔梗香附十餘服。其腫漸高。外以琥珀膏敷之。腫頂紅色。欲其作膿。又以十全大補湯加桔梗貝母服之。半月膿熟。針之後。頭腐膿清。虛熱復作。食少不睡。仍以歸脾湯間以逍遙散服之。三月而愈。一男子平素怯弱。腰後微腫一塊。飲食少。思口乾發熱。此得之腎傷之病也。治當朝以附桂八味丸。午用人參養榮湯。扶植根本為要。彼以口乾發熱內火之故。欲投清涼之劑。解之。予辭不敢治。請內醫。

視之以退熱為主。正合病家之意。投藥三劑。腹痛作瀉。又以猪苓澤瀉厚朴泄氣等藥。大熱發作。形體更變。復請予治。予曰。死之速矣。伊不知因虛致病。法當滋補。況是腰間腫塊。內腎受傷。口乾作渴。腎水枯竭。發熱不退。陰虛血少。今以有餘之藥而療不足之症。豈有不死者。始信前悞。又半月而死。流注主治方。

調和榮衛湯 調和榮衛湯 甘草 陳獨芎 歸芪 大茴 赤芍 白芷 併烏藥 牛膝 紅花 相共隨
治流注初起。氣血凝聚。結腫不散。已成未成服。

川芎

當歸

陳皮

獨活

各壹錢

赤芍

白芷

烏藥

大茴香

黃芪

各八分

甘草

炙

紅花

各五分

牛膝

下部加

水二鍾煎八分入酒一杯量病上下服

木香流氣飲

木香流氣飲芎歸枳殼枳椇防半夏

蘇桔青陳烏澤芪腹皮實芍膝甘隨

治流注癰癤及鬱結為腫或血氣凝滯遍身走

注作痛或心胸痞悶噎咽不利脇腹膨脹嘔吐

不食上氣喘急咳嗽痰盛或四肢面目浮腫者

並服之

川芎

當歸

紫蘇

桔梗

青皮

陳皮

烏藥

黃芪

枳實

茯苓

防風

半夏

白芍

各一錢

甘草節

大腹皮

木香

檳榔

澤瀉

枳殼

各五分

牛膝

下部加一錢

水二鍾薑三片棗一枚煎八分食遠服

附子八物湯

附子八物湯芎芍甘草肉桂當歸等

熟地人參朮茯苓木香姜棗効通神

治房慾後陰虛受寒致生腫塊又或遍身腿脚

疼痛不能步履

外科正宗 卷之三

川芎 白芍 熟地 人參

白朮 茯苓 當歸 附子 各一錢

肉桂 五分 木香 甘草 各三分

水二鍾薑三片棗一枚煎八分食遠服

瘡科流氣飲 瘡科流氣飲芎歸 枳殼香烏藥 白芷人參厚朴隨

治流注及一切鬱怒凝滯氣血作腫疼痛或胸

膈痞悶或風寒溼毒搏於經絡結成腫塊者服

當歸 甘草 紫蘇 人參

白芍 官桂 黃芪 防風

枳殼 烏藥 桔梗 厚朴 各七分

檳榔 木香 川芎 白芷 各五分

水二鍾煎八分食遠服

通經導滯湯 通經導滯湯香附 赤芍芎歸熟地隨 陳皮丹皮蘇草節 牛膝紅花獨殼奇

治婦人產後敗血流注經絡結成腫塊疼痛者

香附 赤芍 川芎 當歸

熟地 陳皮 紫蘇 牡丹皮

紅花 牛膝 枳殼 各一錢 甘草節

獨活 各五分

外科正宗 卷之三 七

水二鍾煎八分入酒一小杯食前服

香附餅

香附餅最散風寒酒和調成患上安熨底熱攻寒氣散敢教苦楚即成歡

治風寒流注襲於經絡結成腫痛用香附為末

酒和量瘡大小做餅覆患處熱熨斗熨藥上未

成者自消已成者自潰風寒溼毒宜薑汁作餅

醒脾湯

醒脾湯中白木芪連參酸棗地骨皮茯苓神遠志柴桔香附木香龍眼宜

治懷抱鬱結思慮傷脾致脾氣不行逆於肉裏

乃生壅腫疼痛不眠心煩不安神氣不清等症

白木

黃芪

人參

茯苓

各一錢

酸棗仁

地骨皮

遠志

各七分

柴胡

甘草

桔梗

黃連

木香

香附

各五分

圓眼肉

七個

水二鍾薑三片棗二枚煎八分不拘時服

調中大成湯

調中大成湯木附砂仁遠志丹皮草

苓歸芍藥藿黃芪肉桂煨薑黑棗隨

治流注潰後膿水清稀飲食減少不能生肌收斂

白木

茯苓

歸身

白芍

陳皮

山藥

黃芪

牡丹皮

各一錢

人參

二錢

藿香

砂仁

遠志

甘草各五分 附子

肉桂各八分

水二鍾煨薑三片棗二枚煎八分食遠服

黃芪六一湯黃芪六一湯甘草加上人參三味奇流注膿多併作渴更兼煩躁効堪推

治流注潰後膿水出多口乾作渴煩躁不寧服之

黃芪六錢半生 甘草一錢五分半生半炙

人參一錢

水二鍾煎八分食遠服

散血葛根湯散血葛根湯半夏芎防羌葛芷升麻甘草細辛併蘇葉桔梗香附與紅花

治跌撲傷損瘀血凝滯結成流注身發寒熱者

乾葛 半夏 川芎 防風

羌活 升麻 桔梗各八分 白芷

甘草 細辛 蘇葉 香附

紅花各六分

水二鍾葱三根薑三片煎八分不拘時服

先天大造丸先天大造丸歸杞熟地生苓兔肉黃烏茅巴骨香牛膝遠志青鹽故紙方

治風寒溼毒襲於經絡初起皮色不變漫腫無

頭或陰虛外寒侵入初起筋骨疼痛日久遂成

腫痛潰後膿水清稀久而不愈漸成漏症者服

紫河車 一具酒 煮搗膏 熟地黃 四兩酒 煮搗膏

歸身 茯苓 人參 枸杞

兔絲子 肉苁蓉 酒洗 搗膏 黃精

白朮 何首烏 去皮用黑豆 同蒸搗膏 川牛膝

仙茅 浸去赤汁蒸熟去 皮搗膏各二兩 骨碎補 去毛 微炒

川巴戟 去骨 破故紙 炒 遠志 去心炒 各一兩

木香 青鹽 各五錢 丁香 三錢 黑棗肉 二兩

右為細末。煉蜜丸如桐子大。每服七十九。空心溫酒送下。此方非獨流注成漏者。又補一切氣。

凱接乃及之誤

血虛羸勞。傷內損。乃男婦久無嗣息。並有奇功。

琥珀膏 琥珀膏中用大黃 南星白芷鬱金香 同蒜搗稠敷患處 管教流毒即安康

治一切皮色不變。漫腫無頭。氣血凝滯。結成流

毒。毋論身體上下。年月新久。但未成膿者。並効。

大黃 二兩 鬱金 一兩 南星 一兩 白芷 各一兩

共為細末。用大蒜頭去殼搗爛。入上藥。再搗稠。

入酒一二匙。調勻。遍敷腫上。紙蓋。隨有熱痛。又

有不痛。俱待藥乾。便効。次日又有起泡。又有不

起。泡者。如有起。挑去。泡中黃水。膏貼之。自効。

外科正宗 卷之三 十一

流注應用方

十全大補湯

補中益氣湯

益氣養榮湯 見瘰癧門

小柴胡湯 二陳湯

乳癰論第三十二 附乳岩

夫乳病者。乳房陽明胃經所司。乳頭厥陰肝經所屬。乳子之母不能調養。以致胃汁濁而壅滯為膿。又有憂鬱傷肝。肝氣滯而結腫。初起必煩渴嘔吐寒

熱交作。腫痛疼甚。宜牛蒡子湯主之。厚味飲食暴怒。肝火妄動。結腫者。宜橘葉散散之。又憂鬱傷肝。思慮傷脾。積想在心。所願不得志者。致經絡痞澁。聚結成核。初如豆大。漸若棋子。半年一年二載三載。不疼不癢。漸漸而大。始生疼痛。痛則無解。日後腫如堆栗。或如覆碗。紫色氣穢。漸漸潰爛。深者如岩穴。凸者若泛蓮。疼痛連心。出血作臭。其時五臟俱衰。四大不救。名曰乳岩。凡犯此者。百人百必死。如此症。知覺若早。只可清肝解鬱湯。或益氣養榮

湯患者再加清心靜養無罣無碍服藥調理只可
苟延歲月若中年已後無夫之婦得此死更尤速
故曰夫乃婦之天也惟初生核時急用艾灸核頂
待次日起泡挑破用披針針入四分用米蠶散條
插入核內糊紙封蓋至十三日其核自落用玉紅
膏生肌歛口再當保養不發又男子乳疾與婦人
微異女損肝胃男損肝腎蓋怒火房慾過度以此
肝虛血燥腎虛精怯血脉不得上行肝筋無以榮
養遂結腫痛治當入珍湯加山梔牡丹皮口乾作

渴者加減八味丸腎氣素虛者腎氣丸已潰作膿
者十全大補湯懷孕之婦乳疾曰內吹因胎氣旺
而上冲致陽明乳房作腫宜石膏散清之亦可消
散遲則遷延日久將產出膿乳汁亦從膿竅流出
其口難完有此者純用補托生肌其口亦易完矣

乳癰乳岩看法

初起紅赤腫痛身微寒熱無頭眩無口乾微疼者順
已成焮腫發熱疼痛有時一囊結腫不侵別囊者輕
已潰膿黃而稠腫消疼痛漸止四邊作痒生肌者順

外科正宗 卷之三
潰後膿水自止。腫痛自消。新肉易生。膿口易合者。順
初起一乳通腫。木痛不紅。寒熱心煩。嘔吐不食者。逆
已成不熱不紅。堅硬如石。口乾不眠。胸痞食少者。逆
已潰無膿。正頭腐爛。腫勢愈高。痛勢愈盛。流血者。死
潰後肉色紫黑。痛苦連心。漉氣日深。形體日削者。死

乳癰乳岩治法

初起發熱惡寒。頭眩體倦。六脉浮數。邪在表。宜散之。
發熱無寒。惡心嘔吐。口乾作渴。胸膈不利者。宜清之。
憂鬱傷肝。思慮傷脾。結腫堅硬。微痛者。宜疎肝行氣。

已成焮腫。發熱疼痛。有時已欲作膿者。宜托裏消毒。
膿已成而脹痛者。宜急開之。又脾胃虛弱。更兼補托。
潰而不斂。膿水清稀。腫痛不消。疼痛不止。大補氣血。
結核不知疼痛。久而漸大。破後惟流污水。養血清肝。

乳癰治驗

一婦人因怒。左乳腫痛。寒熱交作。以人參敗毒散一劑。
表症已退。又以牛蒡子湯二服。腫消漸漸而安。
一婦人憂思過度。久鬱成癆。左乳結核如桃。半年似
痛非痛。咳嗽生痰。身發潮熱。胗之脉微數而無力。

此真氣雖弱而邪火尚未有餘如用藥合理亦堪
調治先用逍遙散加香附貝母十餘服而咳嗽漸
止寒熱間作又以八珍湯加香附牡丹皮柴胡遠
志十餘服身熱去其八九又以益氣養榮湯加青
皮木香兩月餘其胸膈得利噯氣得舒飲食漸進
肌膚漸澤外腫以阿魏化痞膏貼之半年餘而消
一婦人右乳疼痛腫如覆碗胗之脉數有力此有餘
症欲作膿也以托裏消毒散數服而脹痛即針之
出膿碗許又以十全大補湯加香附十餘服而安

一婦人暴怒左乳結腫疼痛自服仙方活命飲二服
疼痛稍止結腫不消仍服清涼敗毒之劑腫痛反
作形體日弱予胗之脉浮數而無力此屬真氣虛
而邪氣實也非補不可以益氣養榮湯四五服其
腫始高寒熱亦退又十餘服而膿潰兼以十全大
補湯兩月而痊此非純補之功其疾豈能得愈矣
一男子年過五旬因妻喪子不成立憂鬱傷肝左乳
結腫半年痛甚作腐肝脉弦數先以小柴胡湯加
青皮山梔遠志貝母數服而肝脉稍平又以八珍

湯仍加前藥十餘服其腫漸腐為膿更服益氣養榮湯庶保收斂彼為內醫所惑謂鬱怒傷肝肝經有火不必用補更服降火流氣寬中等劑致食少便秘發熱作渴復請予治肝脉復弦口乾作渴邪火內淫飲食減少脾土受傷便秘發熱陰血竭而為燥為熱已上俱內損症也辭不治後月餘果死一婦人左乳結核三年方生腫痛胗之脉緊數而有方此陽有餘而陰不足也况結腫如石皮肉紫色不澤此乳岩症也辭不治又一婦左乳結腫或小

或大或軟或硬俱不為痛已半年餘方發腫如覆碗堅硬木痛近乳頭壘壘遍生疙痞時痛時痒胗之脉弦而數腫皮慘黑不澤此氣血已死辭不可治又一婦已潰腫如泛蓮流血不禁辭後果俱死

乳癰主治方

牛蒡子湯

牛蒡子湯瓜蒌仁 銀花 山梔 甘草 陳黃芩連翹柴花粉 青皮 牛子 肉針 半

治乳癰乳疽結腫疼痛毋論新久但未成膿服

陳皮 瓜蒌仁 山梔 金銀花

甘草 瓜蒌仁 黃芩 天花粉

外科正宗 卷之三
連翹 角針各一錢 柴胡 青皮各五分

水二鍾煎八分入酒一杯和勻食遠服

橘葉散

橘葉散內有柴陳 川芎山梔青皮迎 石膏黃芩連翹行 甘草加之効有靈

治婦人有孕胎熱為內吹有兒吃乳各外吹致乳結成腫痛寒熱交作甚者惡心嘔吐並服之

柴胡 陳皮 川芎 山梔

青皮 石膏 黃芩 連翹各一錢

甘草五分 橘葉二十個

水二鍾煎八分食遠服渣再煎服

清肝解鬱湯

清肝解鬱湯陳芍 桔半芎歸貝茯神 青皮生附併蘇葉 通草山梔遠志

治一切憂鬱氣滯乳結腫硬不疼不癢久漸作疼或胸膈不利肢體倦怠面色痿黃飲食減少

陳皮 白芍 川芎 當歸

生地 半夏 香附各八分 青皮

遠志 茯神 貝母 蘇葉

桔梗各六分 甘草 山梔 木通各四分

水二鍾薑三片煎八分食遠服

鹿角散

鹿角散効獨稱雄 消乳專於建大功 每服三錢酒調下 能教腫痛永無踪

治乳癰新起結腫疼痛增寒發熱但未成俱効

鹿角尖三寸用炭火內煨稍紅存性碾末每服

三錢食後熱酒一茶鍾調服甚者再一服必消

回乳四物湯 回乳四物湯最靈 芎歸白芍熟地呈 加上麥芽能散乳 最消腫脹得和平

治產婦無兒喫乳致乳汁腫脹堅硬疼痛難忍

川芎 當歸 白芍 熟地 各二錢

麥芽 二兩炒 為籠末

水二鍾煎八分食遠服用脚布束緊兩乳以手

按揉其腫自然消散甚者再用一服

灸乳腫妙方

灸乳腫痛方來異 惱怒勞傷氣不調 將碗覆於患上灸 諸般腫痛寂然消

治氣惱勞傷或寒熱不調乳內忽生腫痛用碗

一隻內用籠燈草四根十字排勻碗內燈草頭

各露寸許再用平山籠紙裁成一寸五分潤紙

條用水溼紙貼蓋碗內燈草上紙與碗口相齊

將碗覆於腫乳上留燈草頭在外將艾大圓放

碗足底內點火灸之艾盡再添灸至碗口流出

水氣內痛覺止方佳甚者次日再灸一次必消

保安萬靈丹

見癰疽 腫瘍門

治乳癰初起發熱惡寒頭眩肢體作痛者立効

益氣養榮湯 見瘰癧門

治鬱怒傷肝七情內結以致乳中生核不疼不

痒日久方痛甚者胸膈不利吞酸嘔吐頭目昏

眩四肢倦怠或已破潰膿水清稀不能收斂飲

食減少口淡無味自汗盜汗肢體羸瘦者並効

治乳便用方

治乳蒲公英常說再加葱湯催汗泄

同酒煎來乘熱啜消腫猶如湯潑雪

治乳癰初起腫痛未成膿者用蒲公英春秋間

開黃花似菊取連根帶葉二兩搗爛用好酒半

斤同煎數沸存渣敷腫上用酒熱服蓋睡一時

許再用連鬚葱白湯一茶鍾催之得微汗而散

此方鄉村偏僻無藥之所用之極妙亦且簡便

下乳天漿散

下乳天漿散四物王不留行併山甲

茯苓花粉麥門冬漏蘆甘草木通逢

治乳母元氣虛弱乳汁微少或生兒日久乳少

川芎 當歸 白芍 熟地

扶苓 天花粉 甘草 王不留行 炒

麥門冬 漏蘆 川山甲 炒 通草 各一錢

用健猪前蹄一隻煮蹄爛取汁二碗同藥煎至

碗半。二次頓熱食遠服之。以熱木梳梳其乳房。

其汁如泉湧而來。

木香餅

木香餅同生地黄 二物和勻患上裝氣滯腫疼併閃胸 用之一熨自無殃

治一切氣滯結腫成核或痛或閃胸風寒所傷

並効。

木香 錢五

生地黄 一兩 搗膏

右木香為末同地黄和勻量患處大小作餅置

腫上以熱熨斗熨之堅硬木痛者間日熨之妙

乳癰應用方

十全大補湯

八珍湯 俱見癰疽潰瘍門

逍遙散

冰蠅散 俱見癰瘰癧門

阿魏化痞膏

見痞癧門

托裏消毒散

見腫瘍門

小柴胡湯

附骨疽第三十二 附鶴膝風

夫附骨疽者乃陰寒入骨之病也。但人之氣血生平

壯實雖遇寒冷則邪不入骨。凡入者皆由體虛之

人。夏秋露卧寒溼內襲。或房慾之後。蓋覆單薄寒

氣乘虛入裏遂成斯疾也。初起則寒熱交作。稍似

風邪隨後醫腿筋骨作痛不熱不紅疼至徹骨甚者曲伸不能轉側日久陰變爲陽寒化爲熱熱甚而腐肉爲膿此疽已成也凡治此症初起寒熱作痛時使用五積散加牛膝紅花發汗散寒通行經絡或萬靈丹發汗亦可次以大防風湯行經活血滲溼補虛又有生於尻臀部位漫腫作疼者內托羌活湯腿內近膝股漫腫木痛者內托芪柴湯腿外側者內托酒煎湯初起通用人參敗毒散加木瓜牛膝蘇木紅花虛者十全大補湯加羌活防已

牛膝已成欲作膿者附子八珍湯膿成脹痛者卽針之膿稠而黃體實者十全大補湯膿清色白體虛者保元大成湯食少體倦者香砂六君子湯脾虛寒熱者補中益氣湯以此調理可也又有風溼相乘之症初起寒熱交作次傳腿腫作痛其形光亮微紅發熱腫痛按之如泥不便起者宜當歸拈痛湯或茯苓佐經湯間服萬靈丹和之以上之症皆由元氣不足中來不可悞用損脾泄氣敗毒等藥外禁寒涼等法如悞用之必致氣血冰凝肉

癩腐日久化爲污水敗膿流而不禁者終死。又有
房慾勞傷寒熱互變氣血乖違經脈橫解受病日
深以成斯疾者其患大腿漸漸腫如冬瓜上過膀
腹下連足底牽連漫腫皮色不紅日久潰膿色白
腥穢腫仍不消痛仍不減元氣日衰身體縮小唇
舌乾焦二便枯秘諸藥不効飲食不進者終爲不
治。又有鶴膝風乃足三陰虧損之症初起寒熱交
作時亦宜五積散加牛膝紅花或萬靈丹發汗俱
可如汗後腫痛仍不消滅此陰寒深伏以大防風

湯溫暖經絡重者兼灸膝眼二穴敷以琥珀膏亦
可漸漸取効又如以上之法俱不効者終成痼疾
不必強藥消之只宜先天大造丸史國公酒藥每
常服之終年亦可轉重就輕移步行履尚可圖也

附骨疽看法

初起身微寒熱飲食如常結腫微紅疼不附骨者順
已成舉動自便結腫成囊疼痛有時膿易成者爲吉
已潰膿稠腫消痛減身體輕便醒甦睡穩不熱者吉
潰後元氣易復飲食易進肉易實膿水易乾者吉

初起身發寒熱漫腫色白肢體牽強疼痛附骨者險
已成舉動不便通腿漫腫不熱不紅不作膿者為險
已潰膿水清稀氣穢腥臭腫痛不消形體日削者死
潰後脾胃虛弱飲食無味口渴不止唇白皮枯者死

附骨疽治法

初起發熱惡寒身體拘急腿脚腫痛脉浮緊者散之
已成腿脚腫痛皮色不變上下通腫者散寒溫經絡
寒熱作腫色白光亮按之如泥不起者宜健脾滲溼
身體無熱惡寒脉遲而瀋腿腫不熱者養血溫經絡

暑中三陰脉洪而數腿脚焮腫口乾便燥者宜下之
已潰膿水清稀飲食減少形體消瘦者補中健脾胃
潰後腫痛不減膿水不止虛熱不退者溫中養氣血
愈後筋骨牽強曲伸不便者宜滋養氣血通利關節

附骨疽治驗

一男子中寒發散未盡大腿腫痛脉浮數而無力此
風寒未盡內虛故也以五積散去麻黃加牛膝二
服疼痛稍減又以內托黃芪酒煎湯四服通腫俱
消惟腿外側結腫一塊不退此瘀血凝滯欲作膿

也。以托裏藥候膿熟針之。更以十全大補湯而飲。
一男子勞碌遇寒每發腿痛發則寒熱嘔吐胸痞不
食。此因氣惱飲食不節脾胃受傷故脾氣有虧。飲
食不能運化痰滯中脘溼熱動而下流注爲脚氣。
以開結導引丸二服行去停痰。又以半夏佐經湯
數服嘔止膈利。更以附子六物湯數劑消而不發。
一老人年六旬過慾腎虛致筋攣痺縮脚膝無力不
能步履外貼祛風逐溼膏內服三因勝駿丸而愈。
一男子右腿腫痛兩月餘予曰膿已成久何不開之。

彼曰二老醫同治俱稱內消無膿其膿不知真否。
此當再請二老決之。又曰此必無膿但患者昏沉
不醒命在危篤予強開之。出膿盆許以獨參湯連
進二服而甦。後以十全大補湯調理百日外而安。
一男子房事後陰寒大腿無形作痛至夜尤甚不能
步履醫以散寒除溼消痰止痛藥治之其疼益增。
診之脉細澹而無力。此氣血不足寒氣所乘之症。
當以大防風湯二劑疼痛頓減。又四劑其疾痊安。
一男子暑月慾後當風睡卧致寒氣襲於左腿遂成

一按前
本似前
寺无

腫痛寒熱交作胸痞不食以保安萬靈丹葱湯化
服洗浴發汗以散骨髓寒毒後以大防風湯去羌
活加紅花破故紙溫暖腎經通行經絡腫痛漸消
血脉漸和後以三因勝駿丸間服調理兩月而愈
一監生似前慾後受寒致成腿痛予以煖腎氣溫經
絡散寒邪藥治之彼以為緩請內醫甘服表散之
劑外邪雖散其內必虛又以小柴胡湯等藥調理
致虛熱發作口燥咽乾煩渴不已又以知母石膏
湯清其上防風木瓜威靈仙等劑攻其下眾議紛

一按醫
者眾悞
一作眾

紛雜藥妄進致病愈劇仍復請治其時患腿愈腫
其形縮小此必死症也況此症原從腎經受寒非
附子破故紙不能通達關節非羌活防風牛膝不
能通行閉滯非人參白朮炙甘草不能使脾氣行
達四肢非川芎當歸白芍熟地紅花不能養血活
血凡病從虛而入者先補其虛後攻其病況治此
症不加溫補而反用發散解肌以正風寒有餘之
法治之不死何愈後果死醫者眾悞始信而服之

附骨疽主治方

五積散

五積散桂芍歸桔枳殼乾姜併厚朴

蒼半麻陳芍茯苓白芷甘草共姜行

治風寒溼毒客於經絡致筋攣骨痛或腰脚酸疼或遍身拘急或發熱惡寒頭痛者並宜服之

蒼朮錢二

陳皮

桔梗

川芎

當歸

白芍各一錢

麻黃

枳殼

桂心

乾薑

厚朴各六分

白芷

半夏

甘草

茯苓各四分

薑三片水二鍾煎八分不拘時服頭痛惡寒者加連鬚葱頭三根蓋汗為効下部加木瓜牛膝

內托羌活湯

內托羌活湯蒼栢歸尾陳皮兼甘草

防桂連翹藁本芪紅花加上効堪推

治尻臀患癰堅硬腫痛兩尺脉緊數按之無力

內托羌活湯

黃栢

防風

歸尾

內托黃蘗湯

肉桂各一錢

黃芪五分

連翹

木甘草

蒼朮

陳皮各六分

紅花五分

水酒各一茶鍾煎八分食前服

當歸拈痛湯

當歸拈痛湯二木升麻茵陳甘草節

羌活防芍澤瀉苓人參知母要調勻

治溼熱下注腿脚生瘡赤腫作痛或腰脚酸痛

或四肢遍身重痛或下部頑麻作痒或成血風

外科正宗 卷之三

羌活 當歸 防風 茵陳

蒼朮 各一錢 苦參 升麻 白朮 各七分

葛根 甘草 黃芩 知母

澤瀉 猪苓 人參 各五分 黃栢 三分

水 鍾煎八分 食前服

內托黃芪湯 內托黃芪湯黃栢 羌活當歸生地黃 柴胡肉桂連翹等 木瓜加上効非常

治溼熱腿內近膝股患癰或附骨癰初起腫痛

此太陰厥陰之分也 脉細而弦按之洪緩有力

黃芪 鹽水拌炒 當歸 柴胡 木瓜

連翹 各一錢 羌活 肉桂 生地黃

黃栢 各五分 水酒各一鍾煎一半空心熱服

內托酒煎湯 內托酒煎湯桂芪 柴胡連翹黃栢宜 甘草升麻大力子 煎同水酒効堪推

治寒溼發於腿外側少陽經分患癰或附骨癰

堅硬漫腫作痛或流至足陽明經作腫亦治之

黃芪 當歸 各二錢 柴胡 一錢五分 連翹

肉桂 大力子 各一錢 升麻

黃栢 甘草 各五分

凱按一本升麻為一錢

外科正宗 卷之三

水酒各一茶鍾煎一半食前服。

茯苓佐經湯

茯苓佐經湯半夏藿香澤瀉柴胡等

二木陳皮草葛根木瓜厚朴其同行

治足少陽經為四氣所乘以致腰腿發熱疼痛

頭目昏眩嘔吐不食胸膈不利心煩熱悶等症

茯苓

陳皮

半夏

白朮

蒼朮

各一錢

藿香

澤瀉

甘草

葛根

柴胡

厚朴

木瓜

各五分

水二鍾姜三片煎八分食前服。

附子六物湯

附子六物湯甘草防已白朮桂枝等同水二鍾姜三片

太陰足腫最消痰

治四氣流注於足太陰經骨節煩痛四肢拘急

自汗短氣小便不利手足或時浮腫並皆服之

附子

甘草

防已

白朮

茯苓

各八分

桂枝

五分

水二鍾薑三片煎八分食遠服。

麻黃左經湯

麻黃左經湯葛根防已甘草細辛等

羌活防風蒼朮桂心姜棗効通神

治風寒暑溼流注足太陽經腰足攣痺關節重

痛增寒發熱無汗惡寒或自汗惡風頭痛等症

麻黃

葛根

羌活

防風

蒼朮 茯苓 防已 桂心

細辛 甘草 各五分

水二鍾。薑三片。棗二枚。煎八分。食前服。

小續命湯

小續命湯。芎白朮。防風。防已。共人參。附子。麻黃。桂枝等。白芍。黃芩。甘草。憑。

治寒溼之氣。中於三陽。致身不熱。所患煩疼。或

脚轉筋。或腫或不腫。或膝腿頑痺。或時緩縱不

隨。或遍身百節攣痛。或小腸疝氣。攻冲並服之。

川芎 白朮 防風 人參

防已 附子 麻黃 桂心

黃芩 白芍 甘草 各一分

水二鍾。煎八分。入薑汁一匙。和勻。食前服。又暑

中三陰。所患必熱。去附子。減桂枝一半。

大防風湯

大防風湯。芎白朮。防風。防已。共人參。附子。麻黃。桂枝等。白芍。黃芩。甘草。憑。

治三陰之氣不足。風邪乘之。兩膝作痛。久則膝

愈大。而腿愈細。因名曰鶴膝風。乃敗症也。非此

方不能治。又治附骨疽。皮色不變。大腿通腫疼

痛。無奈及痢後脚痛。緩弱不能行。或腿膝腫痛。

人參 防風 白朮 附子

當歸 白芍 川芎 杜仲

熟地 羌活 牛膝 甘草

水三鍾 薑三片 煎八分 食前服

檳蘇散 檳蘇散內用木瓜 香附陳皮大腹加

大腹 治風溼流注 脚脛酸痛 或麻痺不仁 嘔吐不食

檳榔 紫蘇 木瓜 香附

水陳皮 煎入大腹皮 各一錢 木香 三分

羌活 五分 白芍 各錢 杜仲 各錢

水二鍾 薑三片 葱白三莖 煎一鍾 空心服

獨活寄生湯 獨活寄生湯 茯苓 芎歸 防芍 細辛 參

治肝腎虛弱 風溼內攻 足脛緩縱 或膝痺攣重

獨活 錢二 茯苓 川芎 當歸

防風 白芍 細辛 人參

桂心 杜仲 秦艽 牛膝

熟地 桑寄生 真者各一錢 甘草 五分

水二鍾 薑三片 煎八分 食前服

神應養真丹 神應養真丹 木瓜 當歸 芎芍 其天麻 蜜丸 酒服 効堪誇

治厥陰經為四氣所襲脚膝無力左癱右瘓半身不遂手足頑麻言語蹇澁氣血凝滯遍身疼痛者並服

當歸

川芎

白芍

天麻

羌活

熟地

木瓜

兔絲子

各等分

右為細末入地黃膏加蜜丸如桐子大每服百丸空心溫酒鹽湯任下

三因勝駿丸

三因勝駿膝附歸射乳戟甘羌沒薜

防麻棗熟木枳隨蒼蝎菴蓉故紙立

治元氣不足真氣虛弱及諸虛被寒溼氣侵襲

手足拳攣脚指連脚面拘急走注疼痛筋脉不伸行步不隨常服益真氣壯筋骨黑鬚滑皮膚一切足弱鶴膝風症膝愈大而腿愈細並治

附子

一枚一兩之外製之

當歸

明天麻

牛膝

酸棗仁

熟地

防風

各二兩

木瓜

四兩

蛭蝎

淨身一兩

麝香

錢一

乳香

木香

沒藥

羌活

甘草

炙各五錢

檳榔

川萆薢

肉蓯蓉

破故紙

巴戟

去心

蒼朮

各一兩

凱按一本各二兩作各三兩

外科正宗

卷之三

三十一

右爲細末。煉蜜丸。桐子大。每服七十九。空心淡鹽湯溫酒任下。病近者七日。年深者半月見効。

健步丸 健步丸中用苦參 防風防已澤柴呈 羌活滑石瓜蒌等 甘草川烏肉桂評

治生平好飲食少。酒多傷於脾肺。膝中無力。伸不能屈。屈不能伸。膝脊腿脚沉重。行步艱難者。

苦參 酒洗 防已 酒浸 微焙 羌活 柴胡

滑石 炒 瓜蒌根 甘草 各五錢 防風

肉桂 各三錢 澤瀉 一兩半 川烏 泡二錢

右爲細末。酒糊爲丸。如桐子大。每服三十九。空心

心溫酒送下。

大腹子散 大腹子散蘇木瓜 羌荆赤芍木通加 獨活桑皮併枳殼 甘草青皮効可誇

治風毒脚氣上攻。寒熱交作。肢節煩疼。心神

大腹子 紫蘇 木瓜 羌活

荆芥 赤芍 木通 獨活

桑白皮 青皮 各五分 枳殼 一錢 甘草 三分

水二鍾。薑五片。葱白三莖。煎八分。空心服。

加味敗毒散 加味敗毒散人參 羌獨前柴芎桔梗 茯苓枳殼同甘草 木瓜蒼朮此爲能

治足三陽經溼熱毒氣流注。脚踝焮赤腫痛。寒

凱按一
本三分
作二分

熱如瘧。自汗惡風。或無汗惡寒。或惡聞飲食者。

人參 羌活 獨活 前胡

柴胡 川芎 桔梗 茯苓

枳殼 甘草 木瓜 蒼朮 各八分

水二鍾。薑三片。煎八分。食前服。便秘加炒大黃。

千里健步散 千里健步散奇功 細辛防風白芷同 加上草烏為細末 長安瞬息即時通

治遠行兩脚腫痛。若用之。可行千里。輕便甚妙。

細辛 防風 白芷 草烏

右等分為末。摻在鞋底內。如底乾。即以水微溼。

過摻藥着脚行走。自不吃力。再不作腫。

雷火神鍼 雷火神針効罕稀 丁香蘼艾麝香隨 風寒溼毒艱難病 針之患上効堪推

治風寒溼毒。襲於經絡。為患。漫腫無頭皮。色不

變。筋骨疼痛。起坐艱難。不得安臥者。用此針之。

蘼艾 錢三 丁香 分五 麝香 分二

藥與蘼艾。揉和。先將夾紙作筒。如指。麤大。用艾

藥。疊實。收用。臨用以肖山紙七層。平放患上。將

針點着一頭。對患向紙捺實。待不痛方起針。病

甚者。再復一次。七日後。火瘡大發。自取功效矣。

外科正宗 卷之三

追風逐溼膏

逐溼膏中川草烏 麻藤星桂半草圖 羌辛芷木歸蒺藜 大黃獨活其相扶

治風寒暑溼相傷以致骨節疼痛筋攣不能步履或麻木溼痺等症並効。

蒺藜草 麻黃 川烏 草烏

風藤 半夏 南星 羌活

草麻子 打碎 桂枝 各三兩 獨活 細辛

當歸 白芷 蒼朮 大黃 各二兩

以上藥各切咀片用葱汁薑汁各二碗拌藥先浸一宿次日用香油八斤同藥入鍋內慢火煎

至葱薑二汁將乾不報時油方與藥相煎渣枯

為度細絹濾清每油一斤下飛過炒丹十兩為

准配用再將前油入鍋內煎滾以油滴水成珠

不散方下黃丹徐徐攪入其膏已成再下破淨

松香淨末一斤四兩再同熬化取下鍋來以盆

頓穩再下乳香木香胡椒輕粉各末二兩白芥

子細末四兩漸入攪勻傾入鉢內盛貯漸用熱

湯頓化綾段攤貼七日後諸病可痊百發百中。

附骨疽應用方

外科正宗 卷之三

保安萬靈丹 見癰疽腫瘍門

十全大補湯 見潰瘍門

小柴胡湯

腸癰論第三十三

夫腸癰者皆溼熱瘀血流入小腸而成也。又由來有三。一男子暴急奔走以致腸胃傳送不能舒利。敗血濁氣壅遏而成者。一也。二婦人產後體虛多臥。未經起坐。又或坐草艱難。用力太過。育後失逐。敗瘀以致敗血停積。腸胃結滯而成者。二也。三饑飽勞傷。擔負重物。致傷腸胃。又或醉飽房勞。過傷精

凱按結一作癰

凱按寒一作風

力。或生冷並進。以致氣血乖違。溼動痰生。多致腸胃痞塞。運化不通。氣血凝滯而成者。三也。總之初起外症。發熱惡寒。脉亢而數。皮毛錯縱。腹急漸腫。按之急痛。大便墜重。小便澀滯。若淋甚者。臍突腹脹。轉側水聲。此等並見。則內癰已成也。初起未成時。小腹殷殷作痛。儼似奔豚。小便淋漓者。當大黃湯下之。瘀血去盡。自安。體虛脉細。不敢下者。活血散瘀湯和利之。已成腹中疼痛。脹滿不食。便淋刺痛者。薏苡仁湯主之。腹濡而痛。小腹急脹時時下

膿者毒未解也。用牡丹皮湯治之。如膿從臍出。腹脹不除。飲食減少。面白神勞。此皆氣血俱虛。宜入珍湯。加牡丹皮肉桂黃芪五味子。欬而補之。如積襲日久。因循不識。此症候作脹病治之。以致毒攻內臟。腸胃受傷。或致陰器攻爛。腐廕黑斑。色敗無膿。每流污水。腹連陰痛。煩躁不止。身熱口乾。衾幃多臭。卧房難進者。凡犯之。俱為不治。證宜斟酌之。

腸癰看法

初起小腹疼痛。小便不利。六脉微緩。不作寒熱者。輕

已成小腹腫而堅硬。小便數而不利。六脉洪數者。險已潰。時時下膿。裏急後重。日夜無度。疼痛不減者。重潰後膿腥臭穢。或流敗水濁。瘀虛熱更增。不食者。死

腸癰治法

初起小腹疼痛。或軟或硬。脉扎數者。瘀血也。宜下之。小腹作痛。有塊。大便秘澁。小便如淋者。宜和而利之。已潰。時時下膿。腹痛不止。飲食無味者。宜托而補之。產婦惡露不盡。流注小腸作痛。脉數者。宜和而導之。腹脹日久。臍高突出。轉側響如水聲。膿內蓄急。針之。

外科正宗卷之三
三十五

腸癰治驗

一男子小腹脹痛。裏急後重。時時下膿。醫作痢疾治之。愈重。診之。脉扎而數。此小腸癰也。薏苡仁湯一服。下膿升許。隨不墜重。更以牡丹皮散六服。而安。一幼婦產後月餘。腹中漸痛。腫脹如蠱。內醫紛紛認爲蠱病。又月餘。沉重昏憤。彼家已棄不治。請予視。童稚瘡恙。偶言此。予討診之。彼時人雖昏憤。不甦。診之。其脉細數有力。此內癰膿病也。猶似不妨。彼家曰。無生之理。予曰。腹腫上見。而按之一決其生。

凱按薏一作以

凱按時富作婦

何如。隨視腫皮緊急。光亮臍下大熱。此內癰不妨。乃萬無一失之病。彼家歡悅。分付先備淨桶。用滾湯半桶。蓋之。聽用。先以薏苡仁湯加酒炒大黃二錢。徐徐灌服。待腹中覺痛。搭起患者。坐桶上。熱氣薰蒸。其膿下如湧泉。連湯與膿約共滿桶。其患即甦。更服八珍湯加牡丹皮五味子。調理月餘而安。一婦人小腹腫痛。小便如淋。診之。脉緩而扎。此得之行經時。悞食生冷。又兼惱怒。肝火急。駁瘀血而成。內癰膿尚未成也。以大黃湯下之。瘀血出盡。而安。

一婦人小產。瘀血未盡。勞動之早。小腹內外腫痛。月餘。大便秘燥。小便澁滯。口燥咽乾。煩悶不睡。內醫調理其病日重。偶見問之。子曰。恐內癰也。請視脉。數寔而有力。此腸癰已成。用薏苡仁湯加大黃。一服下膿數碗。脹痛頓退。外腫堅硬不散。仍熯作痛。此欲潰膿從外泄也。以十全大補湯三服。膿脹痛而針之。更服八珍湯加牡丹皮五味子。月餘而歛。一婦人腹脹如鼓。臍突寸許。小水澁滯。轉側腹有水聲。此內膿已成。用針刺臍上。突頂出膿盆許。以牡

丹皮散五六劑。其膿漸少。朝以八味丸。暮以八珍湯。加澤瀉牡丹皮黃芪破故紙服之。月餘而愈矣。

腸癰主治方

大黃湯

大黃湯中用朴硝。丹皮白芥不相饒。加上桃仁病即消。腸癰腹痛自然調。

治腸癰小腹堅硬如掌而熱。按之則痛。肉色如故。或焮赤微腫。小便頻數。汗出增寒。脉緊實而有力。日淺未成膿者宜服之。

大黃炒 朴硝各一錢 牡丹皮 白芥子

桃仁去皮尖 各二錢

水二鍾煎八分。食前或空心溫服。

活血散瘀湯 活血散瘀湯赤芍 芍歸蘇木與丹皮 瓜蒌枳殼桃仁等 柘柳加七 大黃隨

治產後惡露不盡。或經後瘀血作痛。或暴急奔走。或男子杖後。瘀血流注。腸胃作痛。漸成內癰。及腹痛大便燥者。並宜服之。

川芎 歸尾 赤芍 蘇木

牡丹皮 枳殼 瓜蒌仁 去殼 桃仁 去皮尖 各一錢

檳榔 六分 大黃 酒炒 二錢

水二鍾煎八分。空心服。渣再煎服。

牡丹皮散 牡丹皮散芍參芪 茯苓薏苡牡丹皮 甘草白芷芎歸等 桃仁官桂木香宜

治腸癰腹濡而痛。以手重按則止。或時時下膿。

人參 牡丹皮 白芍 茯苓

黃芪 薏苡仁 桃仁 白芷

當歸 川芎 各一錢 甘草 官桂 各五分

木香 三分

水二鍾煎八分。食前服。

七賢散 七賢散內參山藥 黃肉丹皮熟地黃 茯苓還黃芪輩 姜棗同煎理內傷

治腸癰潰後。疼痛淋瀝不已。或精神減少。飲食

無味。面色痿黃。四肢無力。自汗盜汗。睡卧不寧。

茯苓 山藥 牡丹皮 山茱萸

熟地黃 人參 各一錢 黃芪 二錢

水二鍾。煨薑三片。大棗二枚。煎八分。食前服。

失笑散

失笑散用五靈脂 還有蒲黃相更隨 心腹諸疼併疝痛 吞之即可樂嘻嘻

治產後心腹絞痛欲死。或血迷心竅。不省人事。及尋常腹內瘀血。或積血作痛。又婦人血氣為病。作痛之聖藥也。及治男子諸疝疼痛不已者。

五靈脂 蒲黃 俱炒等分

右為細末。每服三錢。醋一合。調稠熬數滾。入水一鍾。煎七分。食前連藥服用。醋為丸。每服二錢。淡醋湯下。治前症亦妙。

排膿散

排膿散內用黃芪 白芷 芎歸 山甲 宜 銀花 再兼瓜 蔓等 防風 加上 効堪推

治腸癰。小腹脹痛。脉滑數。裏急後重。時時下膿。

黃芪 當歸 金銀花 白芷

川山甲 防風 川芎 瓜蔓仁 各一錢

水二鍾。煎八分。食前服。或為末。每服二三錢。食遠。蜜湯調下。亦可。

瓜蒌子湯

瓜蒌子湯 薏苡仁 產後惡露併瘀血

桃仁丹皮共此呈 腸胃停米用此清

治產後惡露不盡或經後瘀血停滯腸胃作痛
縱非是癰服之亦効

薏苡仁 四錢 桃仁

牡丹皮

瓜蒌仁

各二錢

水二鍾煎八分食前併空心服

薏苡仁湯

薏苡仁湯功效奇 桃仁加上瓜蒌子

腸癰腹痛最堪醫 白芍丹皮在後隨

治腸癰腹中疼痛或脹滿不食小便澀滯婦人
產後多有此病縱非癰服之尤効

薏苡仁

瓜蒌仁

各三錢

牡丹皮

桃仁

去皮尖 各二錢

白芍

一錢

水二鍾煎八分空心服

應用方

八珍湯

十全大補湯

八味丸

俱見潰瘍門

臟毒論第三十四

夫臟毒者醇酒厚味勤勞辛苦蘊毒流注肛門結成
腫塊其病有內外之別虛實之殊發於外者多實
多熱脈數有力肛門突腫大便秘結肚腹不寬小

外科正宗 卷之三
水不利甚者肛門肉泛如蘘孔頭緊閉此爲外發
屬陽易治宜四順清涼飲內消沃雪湯通利大小
二便痛甚者珍珠散人中白散搽之膿脹痛者針
之發於內者屬陰虛溼熱滲入肛門內臟結腫刺
痛如錐小便淋瀝大便虛秘咳嗽生痰脉數虛細
寒熱往來遇夜尤甚此爲內發屬陰難治宜四物
湯加黃柏知母天花粉甘草兼以六味地黃丸調
治候內臟膿出則安又有生平情性暴急縱食膏
粱或兼補術蘊毒結於臟腑火熱流注肛門結而

爲腫其患痛連小腹肛門墜重二便乖違或瀉或
秘肛門內蝕串爛經絡汚水流通大孔無奈飲食
不食作渴之甚凡犯此未得見其有生又有虛勞
久嗽痰火結腫肛門如栗者破必成漏瀝盡氣血
必亡此二症乃內傷之故非藥可療不可勉治也
臟毒看法

初起腫痛紅色光亮疼痛有時肛門不墜便和者易
已成焮赤腫痛發熱不渴小便不數展轉自便者順
已潰膿稠色鮮不臭焮腫漸消疼痛漸減能食者順

潰後膿水漸止。新肉易生。不疼多痒。瘡口易乾者。順
初起堅硬漫腫。內臟閉痛。小便頻數。大便秘結者。陰
已成。疼痛日甚。腫連小腹。肛門閉緊。下氣不通者。重
已潰臭。水淋漓。疼痛不減。腫仍不消。身熱唇焦者。逆

臟毒治法

初起寒熱交作。大便墜痛。脈浮數者。宜用輕劑解散。
已成。內熱口乾。大便秘結。脈沉實而有力者。當下之。
肛門腫痛。常欲便而下墜作痛者。導溼熱兼瀉邪火。
肛門焮腫疼痛。小便澁滯。小腹急脹者。清肝利小便。

出膿腥臭。疼痛不減。身熱者。養血健脾胃。更兼滲溼。
膿水清稀。脾胃虛弱。不能收斂者。滋腎氣。急補脾胃。

臟毒治驗

一男子肛門腫突。紅紫痛甚。以內消沃雪湯二服。大
便已通數次。疼痛稍減。外腫上以珍珠散清蜜調。
搽早晚二次。其腫漸消。更以涼血地黃湯而全愈。
一婦人產後。用力太過。肛門墜腫。疼苦之甚。先以枳
殼紫蘇煎湯薰洗。後以珍珠散加冰片猪脊髓調。
搽內以四物湯加升麻蒼朮丹皮枳殼服之。而消。

一男子夏月好飲火酒熱毒流入肛門結腫堅硬形色紫黑墜痛便秘以黃連解毒湯加大黃枳殼二劑便通疼痛稍止又以四物湯合前湯數劑其腫漸消存堅腫栗大不散以臟連丸服至月餘而愈一婦人肛門腫突堅硬痛極用攻利解毒藥俱不應以神燈照法照之早晚二次其疼方減以蟾酥錠磨濃塗之堅硬漸腐為膿仍服內消沃雪湯二劑便通疼痛減其大半又以四物湯加黃柏知母厚朴蒼朮外以珍珠散加水片猪髓調搽月餘而平

一男子素有內痔便血常欲脫肛一朝肛門墜重不收腫痛突起光亮紫色此溼熱流注結腫固難收入以黃連除溼湯一劑外用珍珠散加水片清蜜調塗其腫痛漸減後以補中益氣湯加生地黃連蒼朮天花粉牡丹皮服之數劑其腫痛漸減而平一監生素性急暴每縱膏梁因積毒流於大腸內如針刺外肛不腫常欲後重便秘結脰之脈空數而無力此真氣不足邪火有餘內臟虧損症也後必難痊辭不可治後請別醫用藥月餘肛門內腐

敗水無禁復請視之。予曰：決不可療也。脉來虛數，邪勝正也。手掌不澤，脾氣敗也。至夜發熱，陰虛火旺。敗水無禁，幽門已壞。面若塗脂，元氣走散。鼻如烟煤，肺氣將絕。口乾舌燥，腎水已竭。犯此，豈有不死之理。患者不服，強用解毒滋陰藥餌，不効而死。

臟毒主治方

黃連除溼湯

黃連除溼湯 蒼朮 防風 甘草 硝磺 黃芩 等

蒼朮 陳歸 枳殼 翹 臟毒懸癰 此莫逃

治臟毒初起，溼熱流注，肛門結腫疼痛，小水不利，大便秘結，身熱口乾，脉數有力，或裏急後重。

黃連

黃芩

川芎

當歸

防風

蒼朮

厚朴

枳殼

連翹

各一錢

甘草

五分

大黃

朴硝

各二錢

水二鍾，煎八分，空心服。

涼血地黃湯

涼血地黃湯 連翹 人參 花粉 茯苓 草

生地 芩歸 木地榆 山梔 加上 効應 孚

治臟毒已成未成，或腫不腫，肛門疼痛，大便墜重，或泄或秘，常時便血，頭暈眼花，腰膝無力者。

川芎

當歸

白芍

生地

白朮

茯苓

各一錢

黃連

地榆

人參

山梔

天花粉

甘草

各五分

水二鍾煎八分食前服

內托黃芪散

內托黃芪散芍歸角針白木樨榔等

川芎山甲共陳皮臟毒將成此藥醫

治臟毒已成紅色光亮已欲作膿不必內消宜

服此藥潰膿

川芎

當歸

陳皮

白木

黃芪

白芍

穿山甲

角針

各一錢

樨榔

三分

水二鍾煎八分食前服

黃連解毒湯

見癰疽腫瘍門

治好飲法酒縱食膏粱積熱流入大腸致肛門

結成腫痛疼刺如錐堅硬如石宜服

金液戊土丹

見癰疽腫門

治臟毒出於驕奢情性慣於急暴烈火猖狂思

不如願水已枯竭火不發泄旺而又鬱鬱而又

旺以致肛門結腫毒攻內臟痛如芒刺熾如火

炕臭水淋漓生命難望宜服此藥免生惆悵也

珍珠散

元下瘰癧門

外科正宗

卷之三

四

外科正宗 卷之三

治肛門腫泛如繮紅紫急脹堅硬痛極本方加
冰片研極細猪脊髓調塗患上早晚日用二次

應用方

六味地黄丸

見肺癰門

四順清涼飲

見湯發火燒門

內消沃雪湯

神燈照法

俱見腫瘍門

蟾酥錠

見疔疽門

臍連丸

見痔瘡門

補中益氣湯

見潰瘍門

人中白散

珍珠散

俱見下疳門

四物湯

痔瘡論第三十五

凱被冷
疑當作
氣

夫痔者乃素積溼熱過食炙煇或因久坐而血脉不

行又因七情而過傷生冷以及擔輕負重竭力遠

行氣血縱橫經絡交錯又或酒色過度腸胃受傷

以致濁氣瘀血流注肛門俱能發痔此患不論老

幼男婦皆然蓋有生於肛門之內又突於肛外之

傍治分內外各自隄防大者若蓮花蜂巢翻花雞

冠菱角珊瑚等狀小者如櫻珠鼠尾牛奶雞心核

桃蜆肉之形故積毒深者其形異而頑惡毒淺者

其形正而平常久則崩潰成漏新則墜腫刺疼甚

凱按櫻
環之誤

外科正宗 卷之三

者糞從孔出血從竅流氣血日有所傷形容漸有
所削若不早治終至傷人因常治法多用針刀砒
礪線墜等法患者受之苦楚聞此因循都不醫治
予療此症藥味數品從火煨煉性即純和百試百
驗此方法由來異矣凡療內痔者先用通利藥蕩
滌臟腑然後用喚痔散塗入肛門片時內痔自然
泛出即用葱湯洗淨搽枯痔散早午晚每日三次
次次溫湯洗淨搽藥輕者七日重者十一日其痔
自然枯黑乾硬停止枯藥其時痔邊裂縫流膿換

用起痔湯日洗一次待痔落之後換搽生肌散或
鳳雛膏等藥生肌斂口虛者兼服補藥其口半月
自可完矣外痔者用消毒散煎洗隨用枯痔散照
內痔搽法用之首尾至終無異完口百日入房乃
吉又至於穿腸久漏者此則另有二方亦具於後
以致深患者服之又不用針刀掛線効如拾芥耳
痔瘡看法

初起形如牛奶不腫不紅無焮無痛行走不覺者輕
已成腫痛有時遇勞而發或軟或硬頭出黃水者輕

久如雞冠蜂窠蓮花翻花等狀流膿出血不止者重
久漏竅通臀腿膿水淋漓疼痛不已糞從孔出者逆

痔瘡治法

初起及已成漸漸大而便澀作痛者宜潤燥及滋陰
肛門下墜大便去血時或疼痛堅硬者宜清火滲溼
紫色疼痛大便虛秘兼作痒者涼血祛風疎利溼熱
腫痛堅硬後重墜刺便去難者外宜薰洗內當宜利
內痔去血登廁脫肛而難上收者當健脾升舉中氣
便前便後下血面色痿黃心忪耳鳴者宜養血健脾

凱使清
火一作
清熱

諸痔欲斷其根必須枯藥當完其竅必杜房勞乃愈

痔瘡治驗

一男子患痔六年每遇酒色勞役痔則發腫堅硬疼
苦十餘日方得稍可彼欲斷其根以枯痔散上至
七日後其痔漸黑裂縫至十六日痔枯脫落孔若
雞心以生肌散逐日用之內服養血健脾藥而愈
一男子患痔焮腫作痛大便結燥脉數有力以內疎
黃連湯二服便行痛止又以四物湯加芩連枳殼
天花粉數劑而腫消更以臙連丸一料而不復發

一
作
頓
俱

夕
禾
正
宗
卷
之
三

一男子患痔凡遇勞發腫作痛以枳殼湯薰洗內服
 防風秦艽湯數服腫痛俱減令彼常洗前湯每月
 五六次內與六味地黃丸加黃柏知母服之不發
 一男子好飲多慾內痔虛墜下血以四物湯加芩連
 升麻葛根數服虛墜乃止又以當歸郁李仁湯二
 劑痔腫亦消更服臟連丸月餘便血亦止又月餘
 兼節酒色不發大抵醉飽入房經脉橫解或精氣
 一泄脉絡必虛酒食之毒乘虛流結或淫極強固
 精氣以致敗精濁血遂傳大腸又或飲食厚味燥

涇流注俱成斯疾所受病者燥氣也為病者淫氣
 也初宜瀉火和血潤燥疎風久宜養血滋陰健脾
 滲淫治之自愈若不節酒色不慎起居不戒口味
 破必成漏久則穿腸串臀穢從孔出臭水淋漓晝
 夜無禁凡得此者雖不傷生每苦瘡汚可歎惜哉
 一男子患痔十餘年頭已穿潰未及通腸每發痛苦
 以三品一條鎗插至七日痔變黑色瘡邊漸漸裂
 縫至十五日脫落以鳳雛膏搽至半月口斂而平
 一男子怯弱內痔便血面色痿黃自服涼血止血藥

治氣虛肛門下墜及脫肛便血脾胃虛弱等症

川芎 歸身 白朮 人參

黃芪 陳皮 甘草各一錢 升麻

柴胡 條芩 黃連 白芷各五分

水二鍾煎八分食遠服渣再煎服

加味四君子湯 加味四君子湯木茯苓扁豆與人參黃芪甘草姜棗等痔瘡脾倦効如神

治痔瘡痔漏下血不止面色痿黃心忪耳鳴脚弱氣乏及一切脾虛口淡食不知味又治中氣虛不能攝血致便血不禁者並効

人參 白朮 茯苓 白扁豆

黃芪各一錢 甘草各一錢

水二鍾薑一片棗二枚煎八分食前服

當歸郁李湯 當歸郁李湯生地大黃澤瀉共秦芫麻仁枳寔併蒼朮皂子相兼用莫逃

治痔大便結燥大腸下墜出血苦痛不能忍者

當歸 郁李仁 澤瀉 生地黃

大黃 枳實 蒼朮 秦芫各一錢

麻子仁研一錢五分 皂角一錢

水二鍾煎八分空心服

一按凡
一作落

芎歸湯

芎歸湯內用芎歸
婦人產後虛煩熱

失血虛羸大得宜
煎嘗頃刻脫凡籬

治便血或失血過多兼婦人產後血虛煩熱頭
眩昏暈盜汗等症並効

川芎

三錢

當歸

酒拌
五錢

水二鍾煎八分食前服自汗手足冷者加入參

二錢

三黃二地湯

三黃二地湯蒼朮
人參防風兼甘草

厚朴陳皮白朮歸
地榆澤瀉共烏梅

治腸風諸痔便血不止及面色痿黃四肢無力

生地黄

熟地

各一錢半

蒼朮

厚朴

陳皮

黃連

黃栢

黃芩

歸身

白朮

人參

各一錢

甘草

防風

澤瀉

地榆

各六分

烏梅

二個

水二鍾煎八分食前服

栗殼散

栗殼散內用歸莖
參苓厚朴陳皮草

生熟地黃蒼栢宜
荷蒂芩升地骨皮

治諸痔作疼及腸風下血諸藥不止者宜服之

栗殼

溫湯泡去內穢去蒂
切絲蜜水拌炒二錢

當歸

陳皮

秦芫

黃芪

生地黄

熟地

各一錢

黃栢

黃芩

人參

一按凡
一作落

外科正宗

卷之三

三

外科正宗 卷之三

蒼朮 厚朴 升麻各六分 荷葉蒂七個

甘草五分 地骨皮一分

水二鍾煎八分食前服或為細末每服二錢空

心溫酒調服

洗痔枳殼湯洗痔枳殼湯捐痛 瀨蝦蟆草相成共 用此煎湯洗痔瘡 諸般疼痛苦隨時送

治痔瘡腫痛肛門下墜毋論新久洗之腫自消

枳殼二兩 瀨蝦蟆草一名荔枝草四季常有 面青背白麻紋壘壘者

是二兩

河水三瓢同上二味煎數滾先薰後洗良久湯

凱按腫一作痛

留再熱薰洗甚者三次即消洗淨當搽後藥

五倍子散五倍子散蝦蟆草 加上輕粉水片好 痔瘡腫痛及墜疼 用之搽上如同掃

治諸痔舉發堅硬疼痛難忍或臟毒肛門泛出

腫硬不收亦効五倍子大者敲一小孔用陰乾

瀨蝦蟆草搽碎填塞五倍子內用紙塞孔溼紙

包煨片時許取出待冷去紙碾為細末每有一

錢加輕粉三錢冰片五釐共研極細待前湯洗

後用此乾搽痔上即睡勿動其腫痛即除凡外

痔用二方搽洗亦可除根永不再發極効極効

外科正宗 卷之三 五

田螺水

田螺水治痔瘡疼
冰片加之効罕聞
脫肛諸痔雖難愈
將來一掃効如神

治痔瘡堅硬作痛及脫肛腫泛不收者並用之
以大田螺一枚用大冰片五厘研末用尖刀挑
起螺蓋將冰片入內平放片時待螺滲出漿水
用雞翎蘸搽患上勤勤掃之其腫痛自然消散

喚痔散

喚痔散中刺蝟皮
草烏益射共能醫
枯礬冰片同研末
津唾調搽痔出齊

凡醫內痔不得出用此藥填入肛門其痔即出

草烏 生用 一錢 燒 存性 枯礬 五錢

刺蝟皮 一錢 燒 存性 食鹽 炒 三錢 麝香 五分 冰片 二分

右碾細末先用溫湯洗淨肛門隨用津唾調藥
三錢填入肛門片時痔即當出去藥上護痔膏

護痔膏

護痔膏中用石膏
黃連冰片射香饒
還加白芨同為末
蛋白相調効豈逃

用喚痔散痔出之後先用此藥圍護四邊好肉

白芨 各二錢 石膏 各二錢 黃連 各三錢 冰片 各二錢

麝香 各二分

共碾細末雞蛋清調成膏護住四邊好肉方上

枯痔散

枯痔散內用白礬
蟾酥輕粉共砒良
再加童子天靈蓋
枯痔方中効豈凡

觀按護一作糊

外科正宗

卷之三

七

凡痔瘡泛出卽用此藥塗之。年淺者五七日。年深者八九日。待痔乾黑後不用此藥。每日用落痔湯洗之。

白礬二兩 蟾酥二錢 輕粉四錢 砒霜一兩

天靈蓋四錢 用清泉水浸以天靈蓋煨紅。水內浸煨七次。

共研極細末。入小新鐵鍋內。上用麓磁碗密蓋。鹽泥封固。炭火煨至二炷。京香待冷。取開將藥研末。搽痔上。每日辰午申三時。用溫湯洗淨。上藥三次。上至七八日。其痔枯黑。堅硬住藥。裂縫。

凱按清
泉一作
青線

待其自落。換洗起痔湯。

起痔湯

起痔湯中。芩栢連。大黃。荆芥。苦參。前。防風。甘草。山梔等。朴硝。槐角。共相煎。

治諸痔。上枯藥之後。黑色堅硬。裂縫。宜此藥洗。

黃連 黃栢 黃芩 大黃

防風 荆芥 梔子 槐角

苦參 甘草各一兩 朴硝五錢

已上藥分作三次。用水煎洗。待痔落之後。換搽。

生肌散

生肌散。乳香。沒藥。海螵蛸。龍骨。黃丹。赤石脂。輕粉。熊胆。珍珠。麝。冰片。須參。

凱按前
一作全

治痔上枯藥之後脫落孔竅不收者宜用此摻

乳香 沒藥 各一兩 海螵蛸 五錢 水煮

黃丹 飛炒 四錢 赤石脂 煨七錢 龍骨 煨四錢

血蚶 三錢 熊膽 四錢 輕粉 五錢 冰片 一錢

麝香 八分 珍珠 煨二錢

共研極細末磁罐收貯早晚日搽二次蓋膏漸

歛而平

洗痔腫痛方 洗痔腫痛方朴硝 魚腥草 苦棟根 不相饒
還有瓦花馬齒莧 煎湯薰洗痔瘡消

魚腥草 苦棟根 朴硝 馬齒莧

瓦楞花 各一兩

水十碗煎七八碗先薰後洗諸痔腫痛可消

人中白散 見口 痔門

治諸痔腫痛堅硬墜重脫肛等症先用溫湯洗
淨隨後搽藥患上即卧勿動其腫痛漸減此藥
常有便於痔故附錄而用之

三品一條鎗 見瘰 癧門

治十八種痔漏凡用藥線插入痔孔內早晚二
次初時每次插藥三條四日後每次插藥五六

條上至七八日藥力滿足痔變紫黑方住插藥
 候痔四邊裂縫流膿至十四日期滿痔落用甘
 草湯洗淨換搽鳳雛膏或玉紅膏俱可生肌收
 斂虛弱者兼服養血健脾之藥最為穩當大抵
 醫人能取痔者皆此方也不可輕其藥而棄之
 生肌鳳雛膏 生肌雞卵鳳雛膏 乳香輕粉不相饒
 血蚶再加白龍骨 生肌長肉發生苗
 用雞蛋煮熟去白用黃十餘個銅杓內熬油傾
 入盞內約油三錢加輕粉細末一錢乳香血蚶
 龍骨各末五分共入油內和勻每日早午晚雞

一翻按損
又作瘡

翎蘸塗患孔內膏蓋避風深者半月可以完口

煮線方

煮線方中用壁錢 芫花二味共相煎
白絲扣線將同煮 諸痔瘻瘡用此捐

治諸痔及五癭六瘡凡蒂小而頭面大者宜用
此線繫其患根自効

芫花 錢五 壁錢 錢二

用白色細扣線三錢同上二味用水一碗盛貯
 小瓷罐內慢火煮至湯乾為度取線陰乾凡遇
 前患用線一根患大者二根雙扣繫于根蒂兩
 頭留線日漸緊之其患自然紫黑冰冷不熱為

度輕者七日重者十五日後必枯落後用珍珠散收口至妙

臟連丸

臟連丸本是黃連 猪臟將來灌煮煎同搗為丸温酒服 敢教諸痔不纏綿

治痔無論新久但舉發便血作痛肛門墜重者黃連淨末八兩用公猪大臟盡頭一段長一尺二寸温湯洗淨將連末灌入臟內兩頭以線扎緊用時酒三斤半砂鍋內煮酒將乾為度取起臟藥共搗如泥如藥爛再晒一時許復搗丸如桐子大每服七十九空心温酒送下久服除根

凱按時酒二斤半一作生酒二分

胡連追毒丸

胡連追毒丸來異 痔漏通腸効罕稀 麝香刺蝟皮丸服 排盡瘀膿換好肌

治痔漏不拘遠年近日有漏通腸汚從孔出者

先用此丸追盡膿毒服後丸藥自然取効最穩

胡黃連

一兩切片 刺蝟皮 一兩炙切片 姜汁拌炒 再炒黃為末

麝香

二分

軟飯為丸麻子大每服一錢食前酒下服藥後

膿水反多是藥力到也勿懼之

黃連閉管丸

胡連閉管丸窺易 得此之功難上難 決明山甲槐花等 服下憂容換笑顏

胡黃連

淨末 穿山甲 麻油內 煮黃色 石決明 煨

外科正宗

卷之三

痔

槐花 微炒各末五錢

煉蜜丸如麻子大每服一錢空心清米湯送下早晚日進二服至重者四十日而愈此方不用針刀挂線不受苦楚誠起痼疾之良方也如漏之四邊有硬肉突起者加蚕繭二十個炒末和入藥中此及遍身諸漏皆効

應用方

內疎黃連湯

見腫瘍門

補中益氣湯

見潰瘍門

六味地黃丸

見肺癰門

四物湯

下疳論第三十六

下疳者邪淫慾火鬱滯而成其來有三一由男子慾念萌動陽物興舉淫火猖狂而未經發泄者以致敗精濁血流滯中途結而為腫者一也二由婦人陰器瘵精濁氣未淨接與交媾以致淫精傳襲而成者二也三由房術熱藥塗抹玉莖洗擦陰器與助陽火煽動陰精僥倖不衰久頓不泄多致火鬱未發而成者三也男子萌念火鬱之症初起先必澁淋小便溺痛次流黃濁敗精陽物漸損甚則腫

下凱按濁
字脫道

凱按不
在以下
六字一
本无

痛腐爛法當疎利肝腎邪火如八正散清肝導滯
湯之類是也婦人陰器不潔初起先從皮腫光亮
甚如水晶皮破流水腫痛日生痒麻時發治當解
毒消風如龍膽瀉肝湯兼平胃散合而用之男婦
房術所傷蘊毒所致初起陽物痒痛堅硬紫色疙
瘩漸生腐爛漸作血水淋漓不時與舉治當瀉火
解毒如黃連解毒湯蘆薈丸之類是也外以銀粉
散珍珠散人中白散選用又有先發時瘡候用薰
條擦藥結毒於此者詳註結毒門不在此類推之

下疳看法

初起不紅不腫睡不舉陽玉莖微損小水自利者輕
已成微熱微腫皮色光亮小便赤色更兼白濁者平
已損肉色紅活焮無堅腫小便不疼大便不秘者可
初起小便淋漓次損陽物堅硬作疼腐爛漸開者險
已成腐潰內攻傷損玉莖色紫無膿疼如針刺者重

下疳治法

初起腫痛發熱小水澀滯肝經溼熱也宜瀉肝滲溼
腫痛堅硬焮發寒熱口燥咽乾大便秘者通利二便

玉莖腫痛小便如淋自汗盜汗時或尿血清心滋腎
莖竅作痒時出白濁發熱口乾津液少者益腎清心
潰後腫痛小便赤澁日則安靜夜則疼甚滋陰瀉火
潰爛不已腫硬又作疼痛日深穢氣不回清肝解毒

下疳治驗

一童子十五歲玉莖腫痛外皮浮腫比常龜大一倍
他醫治之以解毒清肝等藥愈腫愈痛予視之亦
用瀉火清熱滲溼等劑俱不見效診之脈細數而
無力此中氣不足脾經溼水乘虛流注停聚不散

一凱按服
作劑

當行從治法也以四物湯合平胃散加水香熟附
子人參各五分一服腫痛頓退又四五服而全消
一男子腫痛發寒熱以荆防敗毒散二服而退又以
龍胆瀉肝湯腫痛亦減用四物加黃柏知母而消
一男子年四十色慾過度小便澁痛出如白漿結凍
成塊此腎傷溼熱為患朝以八味丸午用八珍湯
一加山萸牡丹皮黃柏知母服之月餘而澁痛亦退
小便漸清但竅中常有滑精不時滲出久致腰灣
脚膝無力偶以三因勝駿丸服至月餘前症悉愈

一男子莖頭腐爛小水澁痛外以珍珠散內服木通湯四服澁痛亦止更服四物湯加黃栢花粉而痊
一男子初婚玉莖傷損出血疼甚先以葱湯浸洗良久隨用珍珠散加水片摻之腐皮漸乾痛亦漸止
一內服四物湯加木通山梔四服其腫痛漸止而愈
一男子皮腫光亮發熱疼甚外敷如意金黃散內服龍膽瀉肝湯加大黃便通稍愈去大黃又服而消

下疳主治方

清肝導滯湯

清肝導滯湯瞿麥 滑石甘草併扁蓄 大便秘之加大黃 燈心為引空心服

治肝經溼熱玉莖腫痛小水澁滯作疼者服之

扁蓄 四錢 瞿麥 三錢 滑石 二錢 甘草 一錢

大黃 二錢 秘加 便

水二鍾燈心二十根煎入分空心服

龍膽瀉肝湯

龍膽瀉肝湯地黃 車前澤瀉木通當黃 芩梔子甘草等 溼用黃連秘大黃

治肝經溼熱玉莖患瘡或便毒懸癰小便赤澁或久潰爛不愈又治陰囊腫痛紅熱甚者並效

龍膽草 連翹 生地黃 澤瀉 各一錢

車前子 木通 歸尾 山梔

甘草 黃連 黃芩各五分 大黃二錢便秘加

水二鍾煎八分食前服

清肝滲溼湯

清肝滲溼湯二木 山梔澤瀉川芎等 當歸甘草木香同

治陰囊玉莖溼腫如猪肚小水不利墜重作痛

蒼朮 白朮 茯苓 山梔

厚朴 澤瀉 陳皮 木通

天花粉 昆布各一錢五分 甘草五分 木香三分

川芎 當歸各六分

作熱紅色加黃連龍膽草各七分

水二鍾煎八分空心服

清心蓮子飲

清心蓮子飲黃芪 赤茯苓人參地骨皮 黃芩甘草併澤瀉 麥冬加上効堪題

治心經蘊熱小便赤澁玉莖腫痛或莖竅作疼

及上盛下虛心火炎上口苦咽乾煩躁作渴又

治虛陽口乾小便白濁夜則安靜晝則發熱者

石蓮肉 黃芪 黃芩 赤茯苓

人參各一錢 炙甘草 澤瀉 麥門冬

地骨皮各五分

水二鍾煎八分空心併食前服

八正散

入正散中用木通 車前瞿麥大黃同 扁蓄山桅併滑石 加之甘草効無窮

治肝經積熱小便淋閉不通及一切淋病俱効

大黃 車前子 瞿麥 扁蓄

山桅 木通 甘草 各一錢 滑石 二錢

水二鍾煎八分食前服

解毒木通湯

解毒木通湯栢連 膽草山桅蘆薈全 瞿麥滑石併甘草 還用燈心作引煎

治男婦房術熱藥所傷致玉莖陰戶痒痛小便澁滯白濁滑精至夜陽物興舉不得眠者服之

木通 黃連 龍膽草 瞿麥

滑石 山桅 黃栢 知母 各一錢

蘆薈 甘草 各五分

水二鍾燈心二十根煎八分食前服

蘆薈丸

蘆薈丸中用二連 蕪荑鶴虱共雷丸 青皮麝木香同等 餅糊丸來共此全

治下疳潰爛作痛又治婦人陰蝕瘡作痒及小兒肝積發熱口鼻生瘡牙齦蝕爛等症

胡黃連 黃連 蘆薈 白蕪荑

木青皮 白雷丸 鶴虱草 各一兩

麝香 一錢 木香 三錢

右為末蒸餅糊丸如麻子大每服一錢空心清

米湯送下

銀粉散

銀粉散効真罕稀錫炒硃砂効不微
輕粉水銀併煨粉下疳結毒敢相違

治下疳毋論新久但腐爛作痛及楊梅瘡薰後

結毒玉莖腐爛或陽物半傷半全者並宜用之

好錫六錢化開入硃砂末二錢攪炒砂枯去砂

留錫再化開投水銀一兩和勻傾出聽用梳粉

一兩研細鋪夾紙平山上捲成一條一頭點火

煨至紙盡為度吹去灰用粉同前汞錫加真輕

凱按平
山字當
在夾上

粉一兩共成一家研細凡遇前患先用甘草湯

淋洗挹乾隨用此藥搽上止痛生肌收斂極妙

珍珠散

珍珠散効實堪誇
諸腫諸瘡諸痛疾
輕粉還兼缸子花
用之一搽自無他

治下疳皮損腐爛痛極難忍及諸瘡新肉已滿

不能生皮又湯潑火燒皮損肉爛疼痛不止者

青缸花

五分如無用頭刀敲花輕虛色
翠者代之終不及缸花為妙

珍珠

一錢不論大小以新白為上入豆
腐內煮數滾研為極細無聲方用

真輕粉

一兩

右三味共研千轉細如飛麩方入罐收凡下疳

初起皮損。搽之即愈。腐爛疼痛者。甘草湯洗淨。猪脊髓調搽。如諸瘡不生皮者。用此乾參即可。生皮又婦人陰蝕瘡。或新嫁內傷。痛甚者。亦可。此搽極効。湯潑火燒痛甚者。用玉紅膏調搽之。疥瘡簡便方。

用油透羅段。舊帽沿燒灰。杭粉瓦上煨黃色。各等分。共研極細。磁確收貯。先用紅棗十五個。甘草三錢煎湯。溫洗患上。挹乾。搽藥即効。

太乙膏 見腫瘍門

治玉莖皮損。疼痛不止者。用此貼之。其疼即止。

應用方

八珍湯 見潰瘍門

三因勝駿丸 見附骨疽門

四物湯

八味丸

魚口便毒論第三十七

夫魚便者。左為魚口。右為便毒。總皆精血交錯。生於兩胯合縫之間。結腫是也。近之生於小腹之下。陰毛之傍。結腫名曰橫痃。又名外疝。是也得之入房。忍精強固。不洩。或慾念已萌。停而不遂。以致精血。

走動凝滯結而為腫治當散滯行瘀通利大小二便九龍丹山甲內消散是也七日已後服之根本堅固恐其作膿宜用火針法刺之亦妙已出膿者十全大補湯服之庶易收斂遲則恐生別症難愈

魚口便毒看法

初起結腫不紅微熱行走稍便無寒熱交作者為輕已成紅赤腫痛發熱焮疼舉動艱辛至夜尤甚者易已潰膿稠肉色紅活腫消痛止新肉易生作痒者順初起結腫堅硬如石牽強刺疼起坐不便寒熱者重

已潰腐爛腫痛不減膿水清稀孔深口大不斂者險

魚口便毒治法

初起漫漫結腫疼痛兩胯牽強身發寒熱宜散表邪已成堅硬發熱疼痛內熱口乾大小便秘宜通利之發散疎利之後腫痛仍作欲其作膿宜用托裏消毒熈腫發熱疼痛日久急脹苦甚內膿已成宜急開之已潰之後膿水不乾新肉生遲不斂健脾胃補氣血

魚口便毒治驗

一男子左胯腫痛身發寒熱脉弦而數以人參敗毒

一 腫 腫 作 疼

散一劑。表症悉退。次以山甲內消散二劑。而痊消。

一男子橫痃。腫痛堅硬。二便澀滯。以九龍丹一服。通利大便。腫痛稍減。間日。又用一服。二便通利。而消。

一男子患此十餘日。形勢已成。腫痛日甚。因公事急。出不能行走。以火針法。針之。出紫血。鍾許。外用膏貼。拔出微膿。服托裏消毒散。而便可行。亦且速愈。

一男子潰。而口大不斂。此先泄藥之過也。以十全大補湯。加澤瀉丹皮十餘劑。外搽玉紅膏。月餘而斂。

一男子先出疔瘡。久之不愈。後發橫痃。十餘日始生。

腫痛。予欲托裏潰膿。以泄毒氣。彼欲內消。自服槐花酒。蜈蚣全蝎等藥。腫未得消。元氣已損。轉致筋骨疼痛。舉動艱辛。仍復請治。形體瘦弱。脉虛而數。此真元受傷。邪氣從之。雖當補養。後必欲發。時瘡方愈。彼不為信。自仍服敗毒消風等藥。元氣愈虛。飲食不進。筋骨疼甚。徹夜不睡。又復請治。先用補中益氣湯。倍參芪六服。元氣稍醒。又以八珍湯。加麥門冬五味子遠志酸棗仁牡丹皮十餘服。夜間方睡。惟疼痛不能大減。此內虛瘡毒下陷。故難取。

効朝以六味丸午服十全大補湯又十餘服遍身
方發紅點此瘡毒欲出仍服前藥紅點漸高始成
瘡樣彼時瘡毒一出疼痛頓減元氣漸復更服八
珍湯加米仁銀花土茯苓服至半年其瘡方得漸
漸而痊彼悔執方治病之尤始信因病用方之妙
魚口便毒主治方

山甲內消散 山甲內消散大黃 加上姜蚕甘草當
木鱉牽牛同協力 魚口便毒自無妨
治魚口便毒騎馬癰橫痃等症初起未成膿者
當歸稍 甘草節 大黃 各三錢 穿山甲 炒三錢
大片

姜蚕 黑牽牛 各一錢 土木鱉 三個

水酒各一碗煎八分空心服渣再煎服大便行
三四次方吃稀粥淡味飲食為妙

九龍丹 九龍丹藥真堪羨 血衄兒茶乳沒煉
木香巴豆等分同 魚便橫痃立消見

治魚口便毒騎馬癰橫痃初起未成膿者服之
兒茶 血衄 乳香 沒藥

巴豆 不去油 木香

右各等分為末生蜜調成一塊磁盒盛之臨時
旋丸寒豆大每服九丸空心熱酒一杯送下行

四五次方喫稀粥腫甚者間日再用一服自消

紅花散瘀湯 紅花散瘀湯蘇木 翹貝姜蚕乳決明 歸尾大黃角針等 牽牛山甲酒煎行

治入房忍精強固不泄以致瘀精濁血凝結兩

勝或小腹之傍結成腫痛小水澀滯者並服之

當歸尾 皂角針 紅花 蘇木

姜蠶 連翹 石決明 穿山甲

乳香 貝母 各一錢 大黃 三錢 牽牛 二錢

水酒各一碗煎八分空心服行五六次方吃稀

粥補之

黃芪內托散 黃芪內托散芳歸 白木銀花澤瀉隨 花粉角針與甘草 魚口便毒此能醫

治魚口便毒橫痃等症已成不得內消者服之

黃芪 當歸 白木

金銀花 天花粉 皂角針 各一錢

甘草 澤瀉 各五分

水二鍾煎八分食前服

玉紅膏 見潰瘍門

治魚口便毒橫痃腐潰口不合者用此搽之効

火針法 火針之法由來異 勝如服藥併奇治 將針一點破皮囊 腫消痛止隨遊戲

火灼魚口便毒橫痃等症用行藥不得內消者用
鹿線針二條將竹筋一頭劈開將針離分半許
夾在筋頭內以線扎緊用桐油燈盞內貯之燈
草五根排入油內點着用針蘸油燒紅向患頂
重手刺入五六分隨出或血或膿以膏蓋貼即
得輕便以後漸愈虛者兼服十全大補湯完口

應用方

托裏消毒散

見腫瘍門

十全大補湯

補中益氣湯

八珍湯

俱見潰瘍門

六味地黄丸

見肺癰門

囊癰論第三十八

夫囊癰者乃陰虛溼熱流注於囊結而為腫至潰後
罨丸懸挂者猶不傷人以其毒從外發治當補陰
清利溼熱取効者十有八九近時人誤用疝家熱
藥多致熱甚為膿慮難收斂初宜龍膽瀉肝湯稍
久滋陰內托散外敷如意金黃散俱可內消又一
種水疝皮色光亮無熱無紅腫痛有時內有聚水
宜用針從便處引去水氣則安如腫痛日久內膿

托散一物
四散一物
湯

已成脹痛者可即針之內服十全大補湯加山茱萸牡丹皮澤瀉治之間以六味地黃丸服之亦愈

囊癰看法

初起不紅微腫腎子引痛不作寒熱起坐自便者輕已成紅腫發熱形色光亮疼痛有時飲食有味者順已潰膿稠腫消痛止新肉漸生不痛作痒收斂者吉潰後腐爛囊皮脫落甚者罌丸突出能食不痛者可初起堅硬紫色日夜痛甚小水不利大便秘泄者重已成堅而不潰頭腐無膿疼痛無時常流血水者重

潰後膿口開張腫痛不減身發寒熱睡卧不寧者重

囊癰治法

初起寒熱交作腎子腫痛疼連小腹者宜發散寒邪已成紅腫發熱口乾燥痛小水不利大便秘者利之已潰疼痛不減膿水清稀朝寒暮熱者宜滋陰內托潰後不能收斂日晡發熱飲食減少者宜養血健脾潰後罌丸懸挂不能收斂者當外用生肌內加補托

囊癰治驗

一男子風寒未經發散寒中腎囊作腫痛甚以萬靈

丹一服洗浴發汗寒邪頓退又以四物湯加澤瀉
蒼朮山梔天花粉外敷如意金黃散數次而痊消
一男子囊腫甚大不熱脹疼按之軟而即起此濕水
流注聚而不散以披針導去黃水碗許以導水消
腎丸服月餘而腫消又以木香補腎丸服之不作
一男子患此十餘日腫甚脹痛內膿已成針之出膿
碗許以十全大補湯加澤瀉丹皮十餘劑而收斂
一老年人素有疝氣因怒傷肝舉發疼痛自服盤葱
散熱藥腫痛益甚視之腎囊半邊堅硬皮損紫黑

此欲腐爛見辜丸候也彼不為信尚欲內消請別
醫治之內服龍膽瀉肝湯外敷四黃散寒涼等藥
堅硬果腐飲食少進虛熱不睡痛甚昏憤又復請
治予曰凡病有主末治有權宜初起以藥治疝非
疝也凡疝為患小腹作疼牽引腎子多寒少熱好
飲熱湯此症乃惱怒傷肝陰虛溼熱為患其囊紅
腫發熱小便赤澁內熱口乾墜重作痛此為囊癰
之候初宜清利溼熱而返用病家熱藥已成宜用
補陰況又用瀉肝涼劑此年老氣血有虧攻補機

關已候其疾。豈有不致危亡者。即當養氣血固根本。為主而佐以安神定痛之藥。接補元氣。死生在進退之間。尚可轉也。隨以八珍湯加麥冬五味子。遠志牡丹皮。外以甘草湯淋洗腐上。將已壞黑肉盡行剪落。其辜丸已露。數日後其患得於補力。前症漸退。飲食漸進。外腐已盡。腎子已突大半。搽玉紅膏。外以膏蓋。長肌漸收。調理半年外。而得始安。一男子腫痛十餘日。堅硬無膿。囊頭腫上紫色。作爛。此欲外腐以蟾酥錠為末。搽上膏蓋。三日腐肉脫。

下搽玉紅膏。太乙膏掩之。內服補陰滋腎藥而安。一男子慾後受寒。致陰囊牽引。小腹作痛。惡寒發熱。胗之脉緊數而無力。以五積散一服。寒熱乃退。痛亦稍止。更以八珍湯加肉桂丹皮澤瀉數服而愈。囊癰主治方

清肝滲溼湯

清肝滲溼湯歸地 山梔胆草天花粉

芍芍柴通澤瀉苓 燈心甘草効如神

治囊癰肝經溼熱結腫。小水不利。發熱熾痛者。

川芎

當歸

白芍

生地

柴胡

龍膽草

山梔

天花粉

黃芩各一錢 澤瀉 木通 甘草各五分

水二鍾。燈心二十根。煎八分。食前服。

滋陰內托散 滋陰內托散芩歸 白芍還兼熟地芪 角針澤瀉併山甲 囊癰日久服相宜

治囊癰已成。腫痛發熱。服之。有膿即可穿潰也。

當歸 川芎 白芍 熟地

黃芪 各一錢半 皂角針 澤瀉 穿山甲 各五分

水二鍾。煎八分。食前服。

導水消腎丸 導水消腎丸功捷 茅朮牽牛與木通 更加肉桂老米等 打糊丸成建大功

治囊癰內傷。生冷。外受風寒。以致寒溼侵入囊。

一作 拔治

中。小者如升。大者若斗。皮膚頑厚。陽物短縮。小

水不利。不痛多冷。俗稱沙疔是也。宜服此藥。引

導水氣。日久漸消。終身不為癰疾也。此方常驗。

茅山蒼朮 一斤米泔水 浸切片炒黃 木通 半斤

肉桂 一兩刮 去麤皮 牽牛 二兩 微炒 木香 一兩

共為細末。陳米粉打糊丸。如桐子大。每服百丸。

空心白滾湯清米湯任下。忌生冷麵食。此囊雖

夏月炎天。亦以衣被覆之為妙。

灸偏墜法 偏墜灸法最多靈 晴日將來仰臥身 木腎盡頭為灸穴 安來七壯自然平

兩一作 三兩

候取天晴不犯人神日患者平身仰卧取木腎子根下硬根盡處以墨點記用安豆大艾炷三年之內灸七壯年久者灸九壯十一壯為止內服木香補腎丸戒食生冷兼忌房事百日為妙

木香補腎丸
木香補腎丸精地 棗膝蛇菴兔志歸 丁香茴香枸杞戟 人參青鹽杜仲揮

治偏墜一名木腎不疼不痒漸漸而大最為頑疾有妨行動多致不便但灸後宜服此藥俱可內消此藥功效不獨治疝中年後宜服之益壽延年黑髮壯筋填髓明目聰耳補腎助元陽調

飲食其功不可盡述婦人服之顏如童女肌膚瑩潔如玉又精寒血冷久無嗣息者服之更妙

淮慶生地 四兩酒 煮搗膏 兔絲子 肉苻蓉

黃精 黑棗肉 牛膝 蛇床子 微炒

茯苓 遠志 各一兩 二錢 當歸身 二兩 四錢

丁香 三錢 大茴香 木香 各六錢 枸杞子 一兩 五錢

巴戟 杜仲 各一兩 青鹽 五錢 人參 五錢

右為細末煉蜜丸如梧桐子大每服六七十丸空心溫酒送下又諸疝不常舉發者服之亦宜

如意金黃散 見腫瘍門

治囊癰初起紅赤腫痛發熱墜重者用葱湯同蜜調敷夏月溼熱紅甚者溫茶湯同蜜調敷妙

應用方

萬靈丹

太乙膏

玉紅膏 俱見腫瘍門

蟾酥錠 見疔瘡門

十全大補湯 見潰瘍門

龍膽瀉肝湯 見下疳門

五積散 見附骨疽門

四物湯

懸癰論第三十九

夫懸癰者乃三陰虧損溼熱結聚而成此穴在於谷道之前陰器之後又謂海底穴也初生狀如蓮子少痒多痛日久漸如桃李赤腫焮痛欲潰為膿破後輕則成漏重則瀝盡氣血變為癆瘵不起者多矣初起時元氣壯實宜用九龍丹瀉去病根稍虛者內消沃雪湯利去溼熱亦有可消者十中三四如十餘日後腫勢已成不得內消宜托裏消毒散加山甲皂角刺服之自破如腫高光亮膿熟不破頭者用針急破之穢膿一出其患易安如膿出之

後朝以六味地黃丸。午以十全大補湯加牡丹皮
澤瀉。溫補滋陰。又有厚味膏。梁氣體壯實者。初服
龍膽瀉肝湯。潰服滋陰八物湯。以清蘊熱。體瘦房
勞。氣血虛弱者。初服八珍湯。加澤瀉製甘草。潰後
十全大補湯。加牡丹皮。熟附子。脾弱者。補中益氣
湯。以滋化源。日久成漏者。國老膏化湯。吞服蠟礬
丸。首尾悞服寒涼。損胃傷脾。冰凝氣血。以致患孔
漸開。穢膿不止者。亦定變成虛羸癆瘵。終為難愈。

懸癰看法

初起如松子。漸大若梅李。紅赤腫痛。光亮發熱者。輕
已成高腫作痛。根脚不散。皮薄易破。膿成脹痛者。易
已潰膿稠而黃。氣味不臭。焮腫易消。痛止作痒者。順
初起色紫堅硬。根脚漫腫。痛連臀膝。二便不利者。重
已成腫如黃瓜。紫斑腐爛。穢水無膿。痛甚氣息者。難
已潰穢膿不絕。瘡口開張。肉不紅活。虛熱食少者。逆

懸癰治法

初起寒熱如瘡。喜覆衣被。口乾好飲熱湯。宜當發散
已成焮熱作痛。內熱口乾。喜冷大便澀者。微利之。

日久內膿已成。不破頭而脹痛者。急針之。法當補托。潰後膿水清稀。虛熱不退。腫痛不消者。宜滋陰健脾。瘡口不斂。飲食減少。餘腫不消。新肉不生。峻補脾胃。

懸癰治驗

一男子結腫四日。作痒微痛。以九龍丹一服。利五六次。其腫漸消。又以四物湯加花粉黃柏知母而愈。一男子患此十餘日。焮腫作痛。至晚發熱尤甚。又兼小水不利。以龍膽瀉肝湯二服。小水稍通。微痛不止。此欲作膿。以托裏消毒散加穿山甲皂角刺澤

一凱按飲作愈

瀉二服。而膿出。又以十全大補湯服之。月餘而斂。一男子患此。腫甚脹痛。此內膿已成。卽針之。出臭膿。碗許。疼痛頓減。以十全大補湯十餘服。而飲食漸進。焮痛亦消。惟瘡口原潰之甚。不易完合。間用製甘草吞蠟礬丸。外以附子餅灸之。調理三月而愈。一男子素有痰火。久服降下之藥。致此結腫疼痛。脉細而數。此陰虛溼熱流注而成。潰後必難收斂。辭不治。後果出臭膿。不禁日漸開大。發熱不止。飲食不進。強以溫中健脾補托氣血藥。終至不應而歿。

懸癰主治方

滋陰八物湯 滋陰八物湯生地 赤芍丹皮花粉歸

治懸癰初起狀如蓮子紅赤漸腫悠悠作痛者

川芎 當歸 赤芍 生地

牡丹皮 天花粉 甘草節 各一錢

澤瀉 五分 大黃 便秘加一錢蜜炒

水二鍾燈心二十根煎八分食前服

炙甘草膏 炙甘草膏藥二般 當歸甘草効常堪 製度熬膏好酒服 懸癰腫痛盡成懼

治懸癰已成服藥不得內消者服之未成者即

消已成者即潰既潰者即飲此治懸癰良藥也

大粉草四兩用長流水浸透炭火上炙乾再浸

再炙如此三度切片甘草三兩當歸身三兩水

三碗慢火煎至稠膏去渣再煎稠厚為度每用

三錢無灰好熱酒一大杯化膏空心服之最妙

還元保真湯 還元保真湯四物 參苓丹皮併白朮 甘草黃芪枸杞同 附子肉桂澤瀉入

治懸癰已潰瘡口開張膿水淋漓不能收斂者

當歸 川芎 白芍 熟地

白朮 茯苓 人參 黃芪 各一錢

牡丹皮 枸杞子 各八分

甘草 炙

熟附子 各五分

肉桂

澤瀉 各三分

水二鍾。煨薑三片。大棗二枚。煎八分。食前服。

滋陰九寶飲

滋陰九寶飲 芍歸 花粉 知母 併黃栢

白芍 黃連 生地 隨 大黃 煎服 効堪題

治懸癰厚味膏。梁蘊熱結腫。小水澁滯。大便秘

結。內熱口乾。煩渴飲冷。及六脉沉寔。有力者服。

川芎

當歸

白芍

生地

黃連

天花粉

知母

黃栢

大黃

蜜水拌 炒二錢

水二鍾。煎八分。空心服。

應用方

托裏消毒散

見腫 瘍門

腎氣丸

見肺 癰門

十全大補湯

八珍湯

補中益氣湯

俱見潰 瘍門

龍胆瀉肝湯

見下 痔門

內消沃雪湯

蠟礬丸

俱見腫 瘍門

九龍丹

見魚 口門

四物湯

附子餅

腎癰論第四十

此餅法宜做
香附子
部中有
流注毒
不見但
法書中
子餅製
凱按附

腎癰生於小腹之後位遠僻與氣亦罕到血亦少來
凡生此者溼熱凝滯結聚乃成得此毒必外發庶
不內攻初起毒從五臟蘊積者患必有頭紅熱墜
重如石內必口乾發熱宜內消沃雪湯通利積熱
外以膏貼瘡頂四邊以如意金黃散敷之拔出瘀
膿紫血內兼托藥自愈常有不知內服敗毒寒劑
外敷涼藥氣血冰凝毒氣不得外發反致內攻其
瘡頭軟陷無膿根脚平散不痛內熱口乾煩躁譫
語痰喘氣麓恍惚不寧者俱為不治但此多從毒

積於內自裏至表者十有八九而從風寒暑溼自
外至裏者百中一二既出而復入裏者終為死候

腎癰看法

初起有頭紅赤腫痛頂高發熱根脚高聳者為易治
已成焮腫發熱疼痛有時皮薄光亮色紅易膿為順
已潰膿稠而黃色如猪腦腫消痛止起坐自便者易
初起粟米形或黃泡一點平塌作痒根脚散漫者重
已成色紫堅硬腎腿俱腫小便澀滯日久無膿者險
潰後無稠膿頂空根軟塌手按不知疼神昏無治法

一腫凱
發作四
腫焮字

外科正宗 卷之三

臀癰治法

初起惡寒體倦喜覆衣被脉浮緊而在表者微散之
已成內熱口乾好飲冷物小水澁而大便秘者通之
頂高色赤焮痛發熱疼痛有時者宜托裏更兼解毒
腫已高而作疼膿已熟而不破脹痛難忍宜卽針之
潰後堅硬不消膿水不止飲食無味者宜補虛健脾

臀癰治驗

一男子患此四五日始生疼痛至晚作寒六脉浮而
帶數以人參敗毒散二劑寒熱頓退疼痛稍止彼

值公務相關欲出乃用針點入患頂五六分流去
紫血用蟾酥條插入膏蓋以活血散瘀湯二服次
日流出紫血隨便可行更服托裏藥五六服而安
一男子患此六七日焮痛發熱口乾便燥以托裏消
毒散加花粉大黃二服便通渴止仍用前湯加角
針山甲數服而膿潰又以十全大補湯半月而斂
一男子患此堅硬不潰此先寒涼之過也以十全大
補湯加角針蒼朮丹皮四劑堅硬漸軟又以透膿
散二服膿熟針之以前湯倍參芪歸朮月餘而斂

一男子暑月患此。自為內毒。外用老鴉藤搗爛敷之。每日續飲涼水十餘碗。如此三日。瘡毒內陷。患上平塌。冰冷。口噤不言。六脉虛細如絲。辭不可治。至夜而死。又一人冬月患此。外用四黃散涼水調敷。內服敗毒涼藥。毒亦內陷。煩躁口乾。鼻掀氣急。患上平塌。原頭存一空孔。無水無膿。予曰。瘡毒已陷。定不可治。復請別醫。俱曰無事。予曰。瘡居小腹之後。肌肉頑厚。毒既到此。必須內托為膿。潰後最易收斂。今已內外寒涼。毒既內入。豈能再出。眾醫強

投內消解毒定燥除煩之藥。終至不應半月而死。腎癰主治方

凱按赤當作岑

活血散瘀湯

活血散瘀湯枳殼連翹花粉防風等

芩歸蘇木角紅花大黃赤芍一齊加

治腎癰初起。紅赤腫痛。墜重如石。及大便秘澀。

川芎 當歸 防風 赤芍

蘇木 連翹 天花粉 皂角針

紅花 黃芩 枳殼 大黃

水二鍾。煎八分。食前服。便通者。去大黃。加乳香。

黃芪內托散

黃芪內托散堪誇金銀花與甘草節

山甲芩歸皂刺加腎癰諸腫樂無涯

治腎癰已成服前藥勢定者欲其潰膿宜服之

黃芪二錢 當歸 川芎 金銀花

皂角針 穿山甲 甘草節各一錢

水二鍾煎八分入酒一杯食前服

應用方

內消沃雪湯 如意金黃散

人參敗毒散 托裏消毒散

透膿散俱見腫瘍門 蟾酥條見疔瘡門

十全大補湯見潰瘍門

楊梅瘡論第四十一

夫楊梅瘡者以其形似楊梅又名時瘡因時氣垂變邪氣湊襲又名綿花瘡自期綿綿難絕有此三者之稱總由溼熱邪火之化但氣化傳染者輕精化慾染者重故氣化乃脾肺受毒其患先從上部見之皮膚作痒筋骨不疼其形小而且乾精化乃肝腎受毒其患先從下部見之筋骨多疼小水澀淋其形大而且硬如氣化者毒在皮膚未經入裏宜服萬靈丹洗浴發汗解散皮膚之毒精化者毒在

骨髓未透肌膚宜服九龍丹通利大小二便以瀉骨中之毒甚者二服皆可散之後體寔者升麻解毒湯體弱者歸靈內托散服至筋骨不疼瘡根淡白內毒已解方用點藥輕者半年重則一載始方得愈如患者不遵此法欲其速愈妄用薰條擦藥哈吸等法往往致成後患者多矣患者熟思之

楊梅瘡看法

初起無頭疼筋骨不作痛小水無澁淋瘡乾細者輕已生頭面稀少口角無瘡項下胸背雖多穀道無可

初生瘡發下疳次生魚口復作筋骨疼痛瘡發非祥瘡起紅紫堅硬手足多生形如湯潑泡生害非輕淺

楊梅瘡治法

初起先從澁淋次傳筋骨作疼後發其瘡亦宜攻利生此外無疔瘡內無筋骨作痛時氣所感者微散之瘡從交媾不潔乃生下疳小水澁滯不通當行導利上部作痒瘡多消風清熱下部作疼痒甚瀉溼為先紅紫毒盛瘡高涼血解毒淡白毒輕瘡薄攻補兼行手足皮膚枯槁鵝掌風生栢葉二椀煎湯薰洗即好

外科正宗 卷之三
頭髮眉毛脫油風何須說神應養真丹早服稀疎脫
點點楊花癬片片癩風瘡宜服換肌丸効應如同掃

楊梅瘡治驗

一男子患此兩月餘自服敗毒涼劑不應筋骨疼痛
尚在此表裏寒涼毒沉難出必以辛熱發之用萬
靈丹葱酒煎服洗浴蓋之先出冷汗如雨次出熱
汗疼痛減其大半以歸靈湯服至月餘瘡勢始定
又以革薺湯兼補中益氣湯又兩月餘而始痊愈
一男子小便白濁作痛次出痔瘡發腫作爛筋骨微

痛予曰欲發時瘡彼不爲信請他醫以薰藥照之
雖然痔瘡稍愈而筋骨更疼頭脹欲破又復請治
其時紅點滿面此火氣鬱遏難出先用黃連解毒
湯二服瀉其火毒次以蟾酥丸發汗使毒透出肌
表已後紅點漸漸爲瘡筋骨頭疼從此漸減以加
味遺糧湯服至兩月瘡始出盡骨疼方止又以解
毒天漿散相兼服至百日其瘡始退又百日而平
一女人丈夫生瘡所襲筋骨至疼遇晚寒甚以人參
敗毒散四劑其寒乃退疼尚不止又以萬靈丹發

汗二次方出點如豆大頭面及背肉無餘隙此毒之盛也以防風通聖散二劑通利大小二便去硝黃加皂角針金銀花又十餘劑其瘡漸大小者如錢大者若杯氣穢作爛起坐不堪外以石珍散搽爛上結疤又爛又搽內服加味遺糧湯兩月餘瘡始漸乾輕者收斂而脫重者又半年方得痊愈矣一庠生患此月餘乃求速愈予曰此患非他恙所比若速愈必遺毒於後日辭不敢治更醫對曰半月全愈後亦無患因喜不勝用水銀膽礬等藥搽擦

手足二心半月內其瘡果愈隨後骨疼諸藥不應半年後內毒方出作爛疼不堪言遍腿相串並無一空又二年腿脚曲而不直徑成疲疾終身又聾耳聾全不相聽又一人嫖妓生瘡筋骨疼痛予曰升發方可彼欲內消請他醫以丸藥七圓每用一圓置炭土燃着以口吸烟至三圓鼻流鮮血至夜而死又一妓者患此欲其速愈以照藥薰之三日後吐鮮血數盆亦死此求速愈自取危亡者無怨

楊梅瘡主治方

加味遺糧湯

加味遺糧湯木瓜 癬皮皂子靈仙等

芎歸防苡木銀花 木通甘草共參湯

治楊梅瘡初起筋骨疼痛及已成數月延綿不

已并楊梅風毒誤服輕粉癱瘓骨疼不能動履

川芎

當歸

防風

薏苡仁

木瓜

金銀花

木通

白癬皮

蒼朮

威靈仙

錢各一

甘草

五分

皂莢子

五個切 片微炒

仙遺糧

二人

人參

瘡久氣 虛者加

水二碗煎八分量病上下食前後服腿脚之下

加牛膝一錢病淺者一月可退病深者百日可

瘡忌牛肉燒酒海腥煎炒此瘡發時多先起於

下疳若以此方預服之可以止其不發梅瘡也

解毒天漿散

解毒天漿散角針 芎歸翹粉銀花草

防風防已藤風藤 木瓜蟬脫薏苡仁

治楊梅瘡不問新久遍身潰爛及筋骨作疼者

天花粉

錢二

防已

皂角針

白癬皮

連翹

川芎

當歸

風藤

木瓜

金銀花

蟬脫

薏苡仁

錢各一

甘草

五分

土茯苓

二兩

牛膝

下部

一凱按
作孫

水二鍾煎八分臨服入酒一杯量病上下服之

升麻解毒湯

升麻解毒湯傳易同煎皂刺加油服

去病應知却不難那怕多年結毒頑

治楊梅瘡筋骨疼痛久而不愈及治遠年近日流注結毒皮肉破爛咽喉損破者並宜服之川升麻新鮮皂角針各四錢上白土茯苓一斤項之以上加白芷咽內加桔梗胸腹加白芍肩背加羌活下部加牛膝各一錢用水八碗煎至四碗作四次一日服盡每次頓熱加麻油三茶匙和勻量病上下食前後服之瘡甚者不過十服

歸靈湯

歸靈湯中四物宜米仁參朮銀花粉

木瓜防已白癬皮甘草白芷牛膝隨

治楊梅瘡不問新久但元氣虛弱者宜服此藥

川芎

當歸

白芍

熟地

米仁

木瓜

防已

天花粉

金銀花

白癬皮

人參

白朮

各一錢

甘草

五分

威靈仙

六分

牛膝

下部加五分

土茯苓

二兩

水三鍾煎三鍾二次量病上下食前後服之渣

再煎八分服

防風必効散 防風必効散荆防 槐木翹藤癬芷當 角針木通番白草 銀花花粉木瓜尚

治楊梅瘡溼熱太盛瘡高稠密元氣素實者服

防風 防已 荆芥 白癬皮

連翹 槐花 蒼朮 皂角針

風藤 木通 白芷 天花粉

木瓜 金銀花 蕃白草 各一錢

甘草 土茯苓 四兩 初起加 三錢

水三碗煎二碗二次服渣再煎一碗服後飲酒

一大杯即靜睡一時許更妙

凱按風 藤一作 海風藤

凱按金 蟾脫甲 一作楊 梅无夏 下同

金蟾脫甲酒

治楊梅瘡不拘新久輕重皆効好酒五斤用大

蝦蟆一個浸酒封瓶口煮香二枝取起待次日

隨量之大小以醉為度冬夏蓋暖出汗為効存

酒次日只服量之一半酒盡瘡愈又治楊梅結

毒筋骨疼痛諸藥不効者更妙服酒後七日不

許見風為要忌口及房事百日絕根矣

翠雲散

翠雲散中用銅綠 膽礬輕粉石膏加 濕用胆調乾末搽 梅瘡一點便生疤

治楊梅瘡已服內藥根脚不紅瘡勢已退者用

銅綠 膽礬 各五錢 輕粉 石膏 煨各一兩

共研極細磁確收貯溼瘡乾摻乾瘡公猪膽汁

調點三日點三次其瘡自乾而愈

又點藥方 點藥方中用杏仁 雄黃輕粉共相稱 猪胆汁調瘡上點 膏教三日自承平

杏仁 四十九粒 雄黃 錢一 輕粉 錢二 去皮尖

先將杏仁搗細加雄黃輕粉細末再研勻猪膽

調點

鵝黃散 鵝黃散用真輕粉 石膏黃栢要稱準 等分爲末摻爛瘡 楊梅腐痛最安穩

治楊梅瘡潰爛成片膿穢多而疼甚者宜用之

石膏 煨 輕粉 黃栢 炒

以上各等分爲極細末乾摻爛上即可生疤再爛再摻毒盡乃愈此解毒止痛收乾之効藥也

應用方

萬靈丹 黃連解毒湯 見腫瘍門

人參敗毒散 防風通聖散 見時毒門

蟾酥丸 補中益氣湯 見潰瘍門

九龍丹 神應養真丹 見鶴膝風門

祛風換肌丸 栢葉二礬湯 見鷺掌風門

結毒論第四十二

結毒者薰火收遏瘡毒而沉於骨髓也。又有未經薰擦見苗未久服藥不多內毒未盡使用點藥收斂鬱遏毒氣者亦能致之。發則先從筋骨疼痛日後漸漸腫起發無定處隨便可生發在關節中則損筋傷骨縱愈曲直不便發於口鼻則崩梁缺唇雖瘡破形更相發於咽喉者更變聲音發在手足者妨於行走原來苦楚一生毒遺數代情關一錯禍起百端初起筋骨冷痛金蟾脫甲酒發汗自愈虛

弱者芎歸三木湯頭疼欲破者天麻餅子併吹鼻碧雲散年餘流串筋骨不愈者五寶散虛弱潰爛疼痛不斂者十全大補湯同土茯苓煎服初起筋骨痛甚者雷火針法已潰腐爛者解毒紫金膏依法施治年遠毒盛者玄武丹兼外搽靈藥年近毒淺者只在百日自然可愈毋得再薰為禍傷人耳已下看法治法俱照本論醫治自有條款未及重錄

結毒治驗

一男子薰藥之過六年後兩腿骨痛半年始腫以雷

火針腫小者一處腫大者三處針之七日後作膿腐潰內服仙遺糧湯兩月餘其疼漸止腫亦漸消又兩月方得腐盡肌生更十全大補湯三月而歛一男子玉莖患此半年陽物已損七八遇一方士以薰藥照之患上流血不止人似鬼形予曰毒發已傷元氣再加薰火一逼血得熱而妄行故去益許此有限之物也恐其難保先以四物湯兼黃連解毒湯合而服之二劑其血乃止更八珍湯加麥冬五味子黃柏知母十餘服元氣乃定外以甘草湯

浴洗患上以銀粉散搽之如此月餘氣血漸醒紅肉漸生陽物復長大半仍用前湯加土茯苓二兩煎服此不捨其根本共約有四月之餘其疾乃愈一男子患此頭疼欲破至夜尤甚苦楚不睡自以解毒藥治之俱不相應診之寸關脈細數而無力此虛陽之火上攻以補中益氣湯加土茯苓一兩服至三劑其疼漸止又十餘劑其疾全安而不再發一男子患此自膝以下腐爛無空伏枕半年內以芩歸二木湯外以甘草白芷歸尾葱白煎洗三日一

度以解毒紫金膏搽之。如此三月餘，漸漸而安。惟足不能步履。以史國公酒藥加土茯苓一斤，浸煮。又服半年，其足方能步履。又共料行步亦然如舊。

一婦人患此，頭疼，手腕俱痛，胛之脉滑而弦。此痰毒相兼之病也。以天麻餅子服之，半月頭痛痊安。又以二陳兼四物，加紅花升麻黃芩，服至月餘而愈。

一男子頭額腐爛，外搽解毒紫金膏，內以革薺湯兩月餘而斂。又一人小腿患之，年餘仍以前藥而愈。

一婦人咽間損壞，半年湯藥難下，幾死。服結毒紫金

丹，外吹結毒靈藥。一月內其疾痊安。又女人手膊頭背腫痛，六七年不潰。諸藥不應，仍服前藥而安。

一男子咽喉腐爛，予以遺糧湯內服，外用解毒生肌藥治之。彼以為緩，仍用薰藥照之，口爛幾死。大便純去黑血，及遍身浮腫，飲食不進，肌破三月而死。

結毒主治方

仙遺糧湯

仙遺糧湯 荆芷防 銀花花粉 葛芋當
 蒺藜靈仙 梔膝草 苓連翹 共水煎膏

治楊梅結毒初起筋骨疼痛已破肌肉潰爛者

仙遺糧

即俗稱上
 茯苓四兩

防風

荆芥

川芎 當歸 天花粉 金銀花

白蒺藜 薏苡仁 威靈仙 各一錢

山梔 黃連 連翹 乾葛

白芷 甘草 黃芩 各六分 牛膝 下部加

水三碗煎二碗量病上下食前後服渣再煎一

碗服後飲酒一杯忌牛肉火酒房事等件更妙

芎歸二木湯 芎歸二木湯防朴 獨活參苓薏苡仁 木瓜皂刺精猪肉 草甲銀通土茯苓

治楊梅結毒已成未成筋骨疼痛步履艱辛及

潰後腐肉臭敗不能生肌收斂者宜服之並効

白朮 蒼朮 三川芎 當歸

人參 茯苓 薏苡仁 皂角針

厚朴 防風 木瓜 木通

穿山甲 炒 獨活 各一錢 金銀花 二錢 甘草

精猪肉 二兩 土茯苓 四兩

水三碗煎一半量病上下服之渣再煎服

消風脫甲散 消風脫甲散紅花 番白靈仙梔蛻瓜 風子薄藤銀皂刺 翹通蒼朮草齊加

治楊梅結毒筋骨疼痛腐爛作臭氣血壯實者

歌 十年十五半年五 二十年來三十補

曰 縱然臭爛不堪聞 官教逢人再不吐

番白草 紅花 甘草 威靈仙

山梔 蟾蜍 連翹 皂角針

大風子 薄荷 風藤 金銀花

冬瓜皮 木通 蒼朮 土茯苓

水三碗煎二碗二次服用好酒一大杯過口渣

再煎服

薰洗結毒方

薰洗結毒方堪効 蒼朮川椒共水煎 任是腐疼多徹骨 將來一洗卽時消

蒼朮一兩點紅川椒三錢水五碗煎至四碗入

凱按蟾 一作蟾

確內將患上對確口以熱氣薰之半熱傾藥盆內淋洗患上以潔淨布挹乾搽後解毒紫金膏

解毒紫金膏

解毒紫金膏最易 取功奏効識應難 礬紅只與松香等 去腐生新解笑顏

治楊梅結毒腐爛作臭膿水淋漓諸藥不効者

細塊礬紅明淨松香各一斤共碾極細末麻油

調稠先將患上用前湯薰洗潔淨搽上此藥油

紙蓋住以軟布條要扎至緊毋令血行三日一

換如無前湯薰洗只煎慈艾甘草等湯俱可洗

換又治諸毒頑臙等瘡神効愈後忌發物煎炒

神仙碧玉膏

神仙碧玉膏朝腦乳香沒藥併白占

輕粉杭粉豈可饒猪油調搽腐爛好

治結毒潰爛臭穢疼痛不斂及風腫等瘡俱効

輕粉

杭粉

白占

乳香

沒藥

章水

用公猪淨熟油五兩同白占熬化傾入碗內入

上藥和勻水內頓一時取起臨用抵脚挑膏手

心中捺化攤油紙上用葱湯洗淨瘡對患貼之

五寶散

五寶散內用硃砂飛羅麵同滴乳石

琥珀珍珠冰片加飯團煎和効堪誇

治結毒筋骨疼痛腐爛口鼻諸藥不効者服之

滴乳石

如乳頭下垂敲破易碎亮似蜻蜓翅者方真四錢

琥珀

珍珠

硃砂

冰片

右各研極細對準共為一處再研數百轉磁罐

密收用藥二錢加飛羅麵八錢再研和勻每用

土茯苓一斤水八碗煎至五碗濾清作五次每

次加五寶散一分和勻量病上下服一日服完

十服自愈如鼻子腐爛每日土茯苓內加辛荑

五錢煎服引藥上行忌食海腥煎炒房事等件

結毒紫金丹

結毒紫金丹罕稀決明龜板硃砂等

此方原不欲人知米飯為丸脫苦籬

治遠年近日楊梅結毒筋骨疼痛日久腐爛臭
敗不堪聞者或咽喉唇鼻破壞諸藥不効者妙

龜板

放炭火上炙焦用新安酒漿濃筆蘸漿塗上反復炙塗三次以焦黃為末二兩

石決明

用九孔大者煨紅硃砂末二錢

共再碾極細爛米飯為丸麻子大每服一錢量

病上下食前後筋骨疼痛酒下腐爛者土茯苓

湯下至重者四十日而愈此功力勝於五寶散

結毒靈藥方

結毒靈藥方水銀硃砂雄黃硫黃稱加上輕粉共研成摻於腐上効如神

治楊梅結毒腐爛作臭或咽喉唇鼻腐壞日甚

者並効

水銀

兩

硃砂

各三錢

雄黃

各三錢

共碾細入陽城罐內泥固鐵蓋梁堯固緊封口

點三香為度用水擦蓋內火畢次日取出蓋底

靈藥約有一兩五六錢治尋常腐爛之症靈藥

五錢輕粉五錢和勻碾細小罐盛貯紗封罐口

臨用甘草湯洗淨患上將罐倒懸紗眼內篩藥

患上用後單油膏藥蓋之一日一換自効男子

婦人咽爛者靈藥一錢加入中白二分研細吹

之日用三次內服不二散其疼即止隨可飲食

硫黃不二散 硫黃不二散功奇止痛除危効不遺

治楊梅結毒發於咽內腐爛疼痛湯水難入者

硫黃 錢一 旋花 分一

共為細末涼水一大酒杯調服其疼即止飲食

可用

鉛回散 鉛回散內藥蹊曉筋骨多疼功不饒

治楊梅結毒筋骨疼痛朝輕夜重喜熱手按揉

者用鉛半斤銅杓內化開傾入水內將鉛取起

再化再傾如此百遍鉛盡為度候半日待水澄

清傾去用鉢底內沉下鉛灰傾在三重紙上下

用灰收乾水氣取起曬乾與硫黃等分研細確

收每服一錢溫酒調服至重者不過三次即効

單油膏 單油膏藥用麻油熬化成膏傾水內

貼結毒摻藥上用麻油二斤熬滴水成珠續下

杭粉十三兩攪勻成膏傾水內片時取起攤用

革薺湯 革薺湯蒲苳栢蒼靈仙龜板草紅當

治結毒筋骨疼痛頭脹欲破及已潰腐爛並効

即按一
本說非
用五分

五錢 一枚
一作

川草薺二錢 防風各一 何首烏分

威靈仙 當歸 白芷 蒼朮

胡麻 石菖蒲 黃栢各六分 羌活

川椒各四分 龜板一錢五分 紅花三分 甘草五分

水二鍾煎八分臨服入酒一杯量病上下服之

碧雲散吹鼻碧雲散川芎 治結毒入於顛頂以致頭疼脹痛如破者吹之

鶯不食草一兩 川芎一兩 青黛一錢

共為細末患者口噙涼水以蘆筒吹藥疼之左

應用方 以右鼻內取嚏為效

十全大補湯 補中益氣湯

八珍湯俱見潰瘍門 銀粉散見下疳門

金蟾脫甲酒見楊梅瘡門 天麻餅子見頭痛門

雷火神針見附骨瘡門 史國公酒藥

黃連解毒湯見疥瘡門 玄武丹即結毒紫金丹

二陳湯 四物湯 多骨疽論第四十三

多骨疽者。由瘡潰久不收口。乃氣血不能運行至此。骨無榮養所致。細骨由毒氣結聚。化成大骨。由受胎時精血交錯。而結日後必成此疽也。但腎主骨。宜服腎氣丸。十全大補湯。先補脾腎。次用艾附餅灸之。令溫煖。腐毒朽骨自然脫盡。生肌歛口而愈。

多骨疽治驗

一男子上膊腫痛。月餘以散風清熱藥。俱已不効。又兩月破流血水。百日外方出細骨。大小三十餘塊。以十全大補湯。併吹生肌散。兩月餘而歛。中存一

小孔。簪脚大。通鼻透氣。致難全歛。為愈而不愈也。

一男子左手上膊結腫。年餘方出爛斑。破流稀膿。延至半年方出多骨一條。如鷲膊骨。一同長約四寸。內服養血健脾藥。外搽玉紅膏。膏蓋又月餘而歛。

一男子小腿正面。臚骨腫痛。二年諸藥不應。此多骨瘡也。後破出骨一塊。肌肉腐爛。元氣虛弱。以十全大補湯。加山茱萸。牛膝。木瓜。服至兩月餘。不歛。每日以神燈照法。將火氣助之。又出朽骨一塊。上有蛙眼數十孔。以二骨炭火煨紅。為末入生肌藥中。

凱按左
一作右

用之收斂。問曰：用骨者何？此骨原稟氣血結成。故用之復還元氣也。後人聞之，知理合天然之數矣。一女人左口上牙根突腫如栗，堅硬如石，不痛。此多骨疽也。藥亦不効。後三年始痛，破流臭膿。後出多骨，形如小鰲，腫仍不退。此骨未盡，稍久又出小骨。一塊枯色稜礮，其腫方退。以四君子湯加升麻、陳皮，外以甘草煎湯漱口，生肌散日搽三次而收斂。多骨疽主治方。

固本養榮湯 固本養榮湯四物 山藥 人參 併白朮 山萸 甘草 牡丹皮 肉桂 黃芪 五味 宜

治骨疽已成，骨不吐出，或既出不能收斂，由氣血之虛，脾胃弱也。宜服之。骨不出者自出，不收斂者自斂。

川芎 當歸 白芍 熟地
白朮 山藥 人參 牡丹皮
山萸肉 黃芪 甘草 肉桂
五味子 各五分

水二鍾，薑三片，棗二枚，煎八分，食前服。

生肌散 生肌散內石膏丹 石脂 輕粉 麝乳香 龍骨 再加朝腦和 用之完口不須難

治腐骨脫出肌肉生遲不能收斂者用此搽之

石膏 輕粉 赤石脂 各一兩

黃丹 飛二錢 龍骨 血衄 乳香

朝腦 各三錢


右為細末先用甘草當歸白芷各一錢煎湯洗淨患上用此乾摻軟油紙蓋扎二日一洗一換

應用方

神燈照法 玉紅膏 俱見腫瘍門

十全大補湯 見潰瘍門 腎氣丸 見肺癰門

四君子湯



新刊外科正宗卷之三 終

外科正宗卷之三

百四

御用抄物正宗卷之三

石印一 御用抄物正宗卷之三

御用抄物正宗卷之三

御用抄物正宗卷之三

右為細夫先用其草前請用此

御用抄物正宗卷之三

御用抄物正宗卷之三

御用抄物正宗卷之三

御用抄物正宗卷之三



